

漢書門類			
四	〇	三	號
二	七	三	函
三	三	三	架
三			冊

內閣文庫			
漢	書	類	號
四	〇	三	號
二	七	三	函
三	三	三	架

內閣文庫	
番號	漢 4403
冊數	13(10)
函號	279 56



前漢書卷二十五

郊祀志第五上

漢

蘭

臺

令

史

班

固撰

唐

正議大夫

行秘書少監

琅邪

縣

開國子

顏師古

注

皇明朝列大夫

國子監祭酒

臣劉應秋

直

郎司業

臣方從哲

等奉

勅重較刊

皇明朝列大夫

國子監祭酒

臣吳士元

承

重修

旨重修

承德郎

司業

仍加俸一級

臣黃

錦

等奉

洪範八政三曰祀祀者所以昭孝事祖通神明也旁及

四夷莫不修之下至禽獸豺獮有祭

師古曰禮記月令季秋之月豺祭獸

孟春之月獺祭魚祭者謂殺之而布列以祭其先也

是以聖王為之典禮民之精

爽不貳齊肅聰明者神或降之

師古曰爽明也齊讀曰齋在男曰覲

在女曰巫使制神之處位為之牲器使先聖之後能知

山川敬於禮儀明神之事者以為祝能知四時犧牲壇

場上下氏姓所出者以為宗應劭曰上下謂天地之屬也氏姓王族之別也宗

大宗也臣瓚曰宗宗伯也師古曰二說皆非也祝謂主祭之贊詞者積土為壇平地為場氏姓謂神本所出及

見所當為主者也宗宗人主神之列位尊卑者也春秋左氏傳曰號公使祝應宗區享神也又云祝宗用馬

四廂並非宗伯及大宗也故有神民之官各司其序不相亂也民神

異業敬而不黷故神降之嘉生應劭曰嘉穀也師古曰嘉生謂眾瑞民以

物序孟康曰各有分叙也災禍不至所求不匱及少昊之衰九黎

亂德孟康曰少昊時諸侯作亂者也韋昭曰黎氏九人也民神雜擾不可放物師古曰言不顯項受之

嘉生不降禍災荐臻莫盡其氣師古曰言不顯項受之

也放音甫往反家為巫史享祀無度黷齊明而神弗蠲

廼命南正重司天呂屬神命火正黎司地呂屬民應劭曰黎

陰官也火數二二地數也故火正司地以屬萬民師古曰屬委也以其事委之也屬音之欲反使復舊

常亡相侵黷自共工氏霸九州其子曰句龍能平水土

死為社祠師古曰共工氏在大昊炎帝之間無祿而主故謂之霸句讀曰鉤有烈山氏

王天下其子曰柱能殖百穀死為稷祠師古曰烈山氏炎帝故郊

祀社稷所從來尚矣虞書曰舜在璿璣玉衡以齊七政

師古曰虞書舜典也在察也璿美玉也璿轉而衡平以王為璿衡謂渾天儀也七政日月五星也言舜觀察璿

衡以齊同日月五星之政度合天意遂類于上帝禋于六宗孟康曰六宗

師古曰中司命一說云乾坤六子又一說天宗三日月星星辰宗三太山河海或曰天地間游神也師古曰類以

類祭也上帝天也絜精以祀謂之禋六宗之義說者多矣乾坤六子其最通乎望秩于山川徧

萬曆十五年刊

于羣神

師古曰望謂在遠者望而祭之秩次也羣神丘陵墳衍之屬

揖五瑞

師古曰揖與輯同

同揖合也五瑞公侯伯子男之瑞王

擇吉日見四嶽諸牧班瑞

師古曰四嶽諸

牧謂四方諸侯也班布也

歲二月東巡狩至于岱宗

師古曰狩守也諸侯為天子守

土故

岱宗泰山也柴望秩于山川

師古曰柴積柴而燔

遂見東后

東后者諸侯也

師古曰后君也東方諸侯故謂之東后也

合時月正日同律

度量衡

師古曰時四時也月十二月也日三百六十日律六律也度尺丈也量斛斗也衡斤兩也修

五禮五樂

師古曰五禮吉凶賓軍嘉也五樂謂春則琴瑟夏則笙簧季夏則鼓秋則鐘冬則磬也五

樂尚書作五王今志亦有作五王者五王即五瑞

三帛二牲一死為贄

師古曰三帛玄

纁黃也二牲羔鴈也一死雉也贄者所執以為禮也

五月巡狩至南嶽南嶽者衡

山也八月巡狩至西嶽西嶽者華山也十一月巡狩至

北嶽北嶽者恒山也皆如岱宗之禮中嶽嵩高也五載

一巡狩

師古曰此以上皆舜典所載

禹遵之後十二世至帝孔甲淫

德好神神黷二龍去之

應劭曰夏帝孔甲天賜之乘龍河漢各二其後黷神故龍

去其後十三世湯伐桀欲遷夏社不可作夏社

應劭曰

七年明德以薦而旱不止故遷社以棄代為稷欲遷句龍德莫能繼故作夏社說不可遷之義也師古曰卷古

遷字夏社尚書篇名今則序在而書亡逸廼遷烈山子柱而以周棄代為稷

祠後八世帝太戊有桑穀生於廷一幕大拱懼伊陟曰

妖不勝德

師古曰穀即今之楮樹也其字從木合兩手曰拱伊陟太戊臣伊尹之子

太戊修

德桑穀死伊陟贊巫咸

孟康曰巫咸殷賢臣贊說也謂伊陟說其意也師古曰因此作

咸又四篇事見商書序其篇亦亡逸也

後十三世帝武丁得傳說為相殷

萬曆二十五年刊

前漢書卷一百一十五

禮記

卷二

復興焉稱高宗有雉登鼎耳而雊師古曰雊雉鳴音工豆反武丁懼

祖已曰修德武丁從之位以永寧後五世帝乙嫚神而

震死後三世帝紂淫亂武王伐之由是觀之始未嘗不

肅祇後稍怠嫚也周公相成王王道大洽制禮作樂天

子曰明堂辟雍諸侯曰泮宮郊祀后稷以配天宗祀文

王於明堂以配上帝四海之內各以其職來助祭天子

祭天下名山大川懷柔百神咸秩無文師古曰懷來也柔安也言招來也

百神而安處之也稱百者言其多也秩序也舊無禮文者皆以次序而祭之五嶽視三公四

瀆視諸侯而諸侯祭其疆內名山大川師古曰疆境也大夫祭

門戶井竈中霤五祀韋昭曰古者穴居故名室中為中霤士庶人祖考而

已各有典禮而淫祀有禁後十三世世益衰禮樂廢幽

王無道為犬戎所敗平王東徙維邑秦襄公攻戎救周

列為諸侯而居西自以為主少昊之神作西時祠白帝

其牲用駟駒黃牛羝羊各一云師古曰駟赤馬黑鬣尾也羝牡羊也駟音留悉

音丁其後十四年秦文公東獵汧渭之間師古曰汧渭二水名汧音

牽卜居之而吉文公夢黃蛇自天下屬地其口止於鄜

衍李奇曰鄜音孚三輔謂山阪間為衍晉灼曰左馮翊文

公問史敦師古曰秦之太史敦其名也敦曰此上帝之徵君其祠之

於是作鄜時用三牲郊祭白帝焉自未作鄜時而雍旁

故有吳陽武時雍東有好時皆廢無祀或曰自古以雍

州積高神明之隩師古曰土之可居者曰隩音於六反故立時郊上帝諸

神祠皆聚云蓋黃帝時嘗用事雖晚周亦郊焉其語不

經見縉紳者弗道作鄜時後九年文公獲若石云于陳

倉北阪城祠之其神或歲不至或歲數來也常以夜光

輝若流星從東方來集于祠城若雄雉其聲殷殷云野

雞夜鳴師古曰殷殷聲也云傳聲之亂也野雞亦雉也避呂后諱故曰野雞言陳寶若來而有聲則野

雞皆鳴以應之也上言雄雉下言野雞吏駭文也殷音隱以一牢祠之名曰陳寶臣

日陳倉縣有寶夫人祠或一歲二歲與葉君合作陳寶

祠後七十一年秦德公立卜居雍子孫飲馬於河遂都

雍雍之諸祠自此興用三百牢於鄜時作伏祠孟康曰六月伏

日也周時無至此乃有之師古曰伏者謂陰氣將起迫於殘陽而未得升故為藏伏因名伏日也立秋之後以

金代火金畏於火故磔狗邑四門以御蠱災後四年秦

至庚日必伏庚金也宣公作密時於渭南祭青帝後十三年秦穆公立病卧

五日不寤寤迺言夢見上帝上帝命穆公平晉亂史書

而臧之府而後世皆曰上天穆公立九年齊桓公既霸

會諸侯於葵丘而欲封禪管仲曰古者封泰山禪梁父

者七十二家而夷吾所記者十有二焉昔無懷氏封秦

山禪云云鄭氏曰無懷氏古之王者在伏羲前見莊子服虔曰云云在梁父東山名也晉灼曰云云

山在蒙陰縣故城處義封泰山禪云云師古曰處讀曰伏神農

氏封泰山禪云云炎帝封泰山禪云云黃帝封泰山禪

萬曆二十五年升

前漢書卷三十一

郊祀志

四

亭亭服虔曰亭亭山在牟陰晉灼曰地理志鉅平有亭亭山師古曰晉說是也顓頊封泰山

禪云云帝嚳封泰山禪云云堯封泰山禪云云舜對泰

山禪云云禹封泰山禪會稽湯封泰山禪云云周成王

封泰山禪於社首應劭曰山名在博縣晉灼曰在鉅平南十二里師古曰晉說是也皆

受命然後得封禪桓公曰寡人北伐山戎過孤竹西伐

東馬縣車上卑耳之山韋昭曰將上山纏束其馬縣鈞其車也卑耳即齊語所謂辟耳

南伐至召陵登熊耳山以望江漢師古曰熊耳山在順陽北益陽縣東非禹

貢所云導洛自熊耳者也其山兩峯狀亦若熊耳因以為名也兵車之會三乘車之會

六九合諸侯一匡天下師古曰兵車之會三謂莊十三年會於北杏以平宋亂僖四年

會六謂莊十四年會于鄆十五年又會于鄆十六年同

盟于幽僖五年會于首止八年盟于洮九年會于葵丘

也匡正也一匡天下謂定襄王為天子之位也一說謂

陽穀之會令諸侯云無障谷無貯粟無以妾為妻天下皆從故云一匡者也諸侯莫違我昔

三代受命亦何以異乎於是管仲睹桓公不可窮以辭

因設之以事曰古之封禪鄒上黍北里禾所以為盛應劭

曰鄒音臠蘇林曰鄒上北里皆地名也師古曰盛謂以實蓋簋江淮間一茅三脊所以

為藉也服虔曰茅草有三脊也張晏曰謂靈東海致比

目之魚師古曰爾雅云東方有比目魚焉西海致比翼

之鳥師古曰山海經云崇吾之山有鳥狀如鳧而一翼一目相得乃飛其名曰鷁爾雅曰南方有比翼鳥

焉不比不飛其名謂之鷁鷁然後物有不召而自至者

而管仲乃云西海其說異也

十有五焉今鳳皇麒麟不至嘉禾不生而蓬蒿藜莠茂

萬曆二十五年刊

尚書卷之三十三

卷之三十三

下

鷓臬羣翔而欲封禪無乃不可乎於是桓公乃止是歲

秦穆公納晉君夷吾其後三置晉國之君平其亂師古曰三

立其君謂惠公懷公文公穆公立三十九年而卒後五十年周靈王

即位時諸侯莫朝周襄弘廼明鬼神事師古曰襄弘周大夫設射

不來不來者諸侯之不來朝者也依物怪欲以致諸侯

諸侯弗從而周室愈微後二世至敬王時晉人殺襄弘

李奇曰周為晉殺之也師古曰春秋左氏傳哀公三年傳稱劉氏范氏世為婚姻襄弘事劉文公故周與范氏

趙鞅以為討周人殺襄弘也是時季氏專魯旅於泰山仲尼譏之自

秦宣公作密時後二百五十年而秦靈公於吳陽作上

時祭黃帝作下時祭炎帝後四十八年周太史儋見秦

獻公孟康曰太史儋謂老子也師古曰此亦周之太史名非必老聃也非秦獻公時儋音丁其反又吐

甘曰周始與秦國合而別別五百載當復合應劭曰秦伯翳之後

也始周孝王封非子為附庸邑諸秦平王東遷洛邑襄公以兵衛之嘉其勳力列為侯伯與周別五百載矣昭

王時西周君自歸受罪盡獻其邑三十六城此復合也孟康曰謂周封秦為別秦并周為合此襄王為霸始皇

為王也韋昭曰周封秦為始別謂秦仲也五百歲謂從秦仲至孝公彊大顯王致伯與之親合也師古曰諸家

之說皆非也自非子至西周獻邑凡六百五十三歲自仲至顯王二十六年孝公稱伯止有四百二十六歲皆

不合五百之數也按史謂秦本紀及年表並云周平王封襄公始列為諸侯於是始與諸侯通又周本紀及吳

齊晉楚諸系家皆言幽王為犬戎所殺秦始皇列為諸侯正與此志符會是乃為別至昭襄王五十二年西周君

自歸獻邑凡五百一十六年是合七十年而伯王出焉為合也言五百者舉其成數也

韋昭曰武王昭王皆伯至始皇而王天下師古曰七十當為十七今史記舊本皆作十七字伯王者指謂始皇

萬曆二十五年刊

始皇初立政在太后嫪毐未得稱伯自昭王滅周後至
始皇九年誅嫪毐止十七年本紀年表其義顯而韋氏
乃今武王昭王為數失之遠矣 僖見後七年櫟陽雨金獻公自以為得

金瑞故作畦時櫟陽而祀白帝師古曰畦時者如種韭畦之音下圭反後百二十歲周赧王卒九鼎入于秦或曰

周顯王之四十二年宋大丘社亡師古曰爾雅云左陵秦丘謂丘左有陵者

其名秦丘也郭璞云宋有秦丘蓋以丘名此地也而鼎淪沒於泗水彭城下自

赧王卒後七年秦莊襄王滅東周周祀絕後二十八年

秦并天下稱皇帝秦始皇帝既即位或曰黃帝得土德

黃龍地蟻見應劭曰蟻蚯蚓也黃帝土德故地見其神二云黃帝之時天先見大螻大蟻黃帝曰土氣勝故其色尚黃師古曰蟻音引螻音蟻謂螻蛄也夏得木

德青龍止於郊草木鬯茂師古曰鬯與暢同殷得金德銀自山

溢蘇林曰流也周得火德有赤鳥之符師古曰謂武王伐紂書中候曰有火自天止于王屋流為赤鳥五至以穀俱來今秦變周水德之時昔文

公出獵獲黑龍此其水德之瑞於是秦更名河曰德水

以冬十月為年首色上黑度呂六為名張晏曰水北方

方六寸為符六尺為步音上大呂師古曰大呂陰律之始也事統上法服虔曰政尚法

頌功業蘇林曰驪魯縣也臣瓚曰驪山在北師古曰驪音亦於是從齊魯之儒生

博士七十人至于泰山下諸儒生或議曰古者封禪為

蒲車惡傷山之土石草木師古曰蒲車以蒲裹輪掃地而祠席用

萬曆二十五年刊

師古曰蒲車以蒲裹輪

掃地而祠席用

蒲車惡傷山之土石草木

博士七十人至于泰山下諸儒生或議曰古者封禪為

蒲車惡傷山之土石草木

蒲車惡傷山之土石草木

蒲車惡傷山之土石草木

蒲車惡傷山之土石草木

苴稽 應劭曰稽藁本也去皮以為席如淳曰苴讀如租稽讀如戛晉灼曰苴藉也師古曰茅藉也苴字本

作藉假借用言其易遵也始皇聞此議各乖異難施用由此

黜儒生而遂除車道上自泰山陽至顛立石頌德明其

得封也從陰道下禪於梁父其禮頗采泰祝之祀雍上

帝所用而封臧皆祕之世不得而記也始皇之上泰山

中阪遇暴風雨休於大樹下諸儒既黜不得與封禪聞

始皇遇風雨即譏之於是始皇遂東遊海上行禮祠名

山川及八神求僊人美門之屬 應劭曰美門名子高古仙人也師古曰古亦以

僊為仙字下皆類此八神將自古而有之或曰太公呂來作之齊

所以為齊呂天齊也 蘇林曰當天中央齊也師古曰其謂其衆神異如天之腹齊也

祀絕莫知起時八神一曰天王祠天齊天齊淵水居臨

菑南郊山下下者 師古曰下下謂最下也臨菑城南二有天齊水五泉並出蓋謂此也

曰地主祠泰山梁父蓋天好陰祠之必於高山之下時

命曰時 師古曰名其祭處曰時也地貴陽祭之必於澤中園丘云三

曰兵主祠蚩尤蚩尤在東平陸監鄉齊之西竟也 師古曰東

平陸縣名也監其縣之鄉名也四曰陰主祠三山 師古曰三山即下所謂三神山五曰

陽主祠之罘山 韋昭曰之罘山在東萊腫縣師古曰罘音浮腫音直瑞反六曰月主

祠之萊山 韋昭曰在東萊長廣也皆在齊北並渤海七曰日主祠

盛山盛山斗入海 韋昭曰盛山在東萊不夜縣斗最居入海也師古曰斗絕也盛音底

齊東北陽呂迎日出云八曰四時主祠琅邪琅邪在齊

萬曆二十五年刊

東北蓋歲之所始

師古曰山海經云琅邪臺在滂海間謂臨海有山形如臺也皆各

用牢具祠而巫祝所損益圭幣雜異焉

師古曰言八神牲牢皆同而圭幣各異也

自齊威宣時騶子之徒論著終始五德之運

其書有五德終始五德各以所勝為行秦謂周為火德滅火者水故自謂水德師古曰騶子即騶衍及秦

帝而齊人奏之故始皇採用之而宋毋忌正伯僑元尚

羨門高最後皆燕人為方僂道

韋昭曰皆慕古人之名効為神仙者也師古曰

陰陽主運顯於諸侯

晉灼曰燕昭王築宮師之故作主運之篇也如淳曰今其書有主運

而燕齊海上之方士傳其術不能通

然則怪迂阿諛苟合之徒自此興不可勝數也自威宣

燕昭使人入海求蓬萊方丈瀛洲此三神山者其傳在

勃海中

服虔曰其傳書云爾臣瓚曰世人相傳爾夫人不遠蓋嘗有至者諸

僂人及不死之藥皆在焉其物禽獸盡白而黃金銀為

宮闕未至望之如雲及到三神山及居水下水臨之患

且至則風輒引船而去終莫能至云世主莫不甘心焉

皇如恐弗及使人齎童男女入海求之船交海中皆以

風為解

師古曰自解說云為風不得至曰未能至望見之焉其明年始

皇復游海上至琅邪過恒山從上黨歸後三年游碣石

考入海方士

師古曰考校其虛實也從上郡歸後五年始皇南至

萬曆二十五年刊

何莫書卷三十五

邪已志

九

九

九

九

九

九

湘山遂登會稽並海上幾遇海中三神山之奇藥師古曰

讀曰不得還到沙丘崩臣瓚曰沙丘在鉅鹿縣東北也二世元年東巡

碣石並海南歷泰山至會稽皆禮祠之而刻勒始皇所

立石書旁以章始皇之功德師古曰今此諸山皆有始皇所刻石及胡亥重刻其

文並其秋諸侯叛秦三年而二世弑死始皇封禪之後

十二年而秦亡諸儒生疾秦焚詩書誅滅文學百姓怨

其法天下叛之皆說曰始皇上泰山為風雨所擊不得

封禪云此豈所謂無其德而用其事者邪昔三代之居

皆河洛之間師古曰謂夏都安邑殷都朝歌周都洛陽故嵩高為中嶽而四

嶽各如其方四瀆咸在山東至泰山稱帝都咸陽則五嶽

四瀆皆并在東方自五帝以至秦迭興迭衰名山大川

或在諸侯或在天子其禮損益世殊不可勝記師古曰

異故不可盡記及秦并天下令祠官所常奉天地名山大川鬼

神可得而序也於是自嶠以東名山五大川祠二師古曰

師古曰曰太室太室嵩高也恒山泰山會稽湘山水

曰沛曰淮師古曰沛音子禮反此本濟水之字春以脯酒為歲禱因泮凍

服虔曰解凍也師古曰泗讀與泗同泗疑也秋涸凍音下故反春則解之秋則凝

之春秋左氏傳曰固陰沍寒禮記冬塞禱祠師古曰塞謂報其所

祈也音先其牲用牛犢各一牢具圭幣各異自華以西

名山七名川四曰華山薄山薄山者襄山也師古曰說者云薄山

萬曆二十五年刊

在河東一曰在潼關北十餘里而此志云自華以岳山
西者則今閩鄉之南山連延西出並得華山之名

岐山吳山鴻冢瀆山瀆山蜀之岷山也師古曰周禮職方氏雍州其山

曰岳爾雅亦云河西曰岳說者咸云岳即吳岳也今志
有岳又有吳山則吳岳非一山之名但未詳岳之所在

耳徐廣云岳山在武功據地理志武功但有垂山無岳
山也岐山即在今之岐山縣其山兩岐俗呼為箭括嶺

吳山在今隴州吳山縣鴻冢釋在下岷山在前氏道水曰河祠臨晉師古曰即今之

沔祠漢中師古曰沔漢水之上名也漢中今梁州是也湫淵祠朝那蘇林曰

安定朝那縣方四十里停水不流冬夏不增不減不生
草木湫音將蓼反師古曰此水今在涇州界清澈可愛

不容穢濁或詭汚輒興雲雨土俗元旱每於此求之相
傳云龍之所居也而天下山川隈曲亦往往有之湫音

子由反江水祠蜀亦春秋泮泗禱塞如東方山川而牲亦

牛犢牢具圭幣各異而四大冢鴻岐吳嶽皆有嘗禾孟康

曰以新穀祭之陳寶節來祠服虔曰陳寶神應節來也其河加有嘗醪此皆

雍州之域近天子都故加車一乘駟駒四霸產豐滂涇

渭長水皆不在大山川數師古曰霸產出藍田豐滂出鄠長水者言其源流長也滂

音勞呂近咸陽盡得比山川祠而無諸加師古曰加謂車及駟駒之屬

汧洛二淵鳴澤蒲山嶽壻山之屬蘇林曰壻音胥章昭曰音蘇計反為

小山川亦皆禱塞泮泗祠禮不必同而雍有日月參辰

南北斗熒惑太白歲星填星辰星二十八宿風伯雨師

四海九臣十四臣諸布諸嚴諸逐之屬百有餘廟師古曰風

伯飛廉也雨師屏翳也一曰屏號而說者乃謂風伯箕星也雨師畢星也此志既言二十八宿又有風伯雨師

則知非箕畢也九臣十四臣不見名數所出諸布諸嚴諸逐未聞其義逐字或作述西亦有數十

萬曆二十五年刊

前漢書卷之三

地理志

祠於湖有周天子祠於下邳有天神豐鎬有昭明天子
辟池於杜亳有五柱主之祠壽星祠韋昭曰亳音薄湯所都也臣瓚曰濟

陰亳縣是也師古曰杜即京兆杜縣也此亳非湯都而不在濟陰徐廣云京兆杜縣有薄亭斯近之矣

雍管廟祠亦有杜主杜主故周之右將軍師古曰墨子云周宣王殺

杜伯不以罪後宣王田於圃田見杜伯執弓矢射宣王伏弓衣而死故周人尊其鬼而右之蓋謂此也其

在秦中最小鬼之神者也師古曰其鬼雖小而有神靈也各以歲時奉

祠唯雍四時上帝為尊其光景動人民唯陳寶故雍四

時春以為歲祠禱因泮凍秋涸凍冬賽祠五月嘗駒及

四中之月月祠師古曰中讀曰仲謂四時之仲月皆祠之若陳寶節來一祠

春夏用駢秋冬用駢師古曰駢純赤色也音先營反時駒四匹師古曰每時用

駢四匹而春秋異色木寓龍一駒李奇曰寓寄也寄生龍形於木也師古曰一駒亦四龍也

寓車馬一駒各如其帝色黃犢羔各四圭幣各有數皆

生瘞埋無俎豆之具三年一郊秦以十月為歲首故常

以十月上宿郊見李奇曰上宿上齊戒也宋通權火

張晏曰權火燹火也狀若并挈臯矣其法類稱故謂之權火欲令光明遠照通於祀所也漢祀五時於雍五十

里一燹火如淳曰權舉也師古曰凡祭祀通舉火者或以天子不親至祠所而望拜或以衆祠各處欲其一時

薦饗宜知早晏故以火為之節度也拜於咸陽之旁而衣上白其用如經

祠云服虔曰經常也西時畦時祠如其故上不親往諸此祠皆

太祝常主以歲時奉祠之至如它名山川諸神及八神

之屬上過則祠去則已郡縣遠方祠者民各自奉祠不

領於天子之祝官祝官有祕祝卽有災祥輒祝祠移過

於下漢興高祖初起殺大蛇有物曰蛇白帝子而殺者

赤帝子也師古曰物謂鬼神也及高祖禱豐粉榆社鄭氏曰粉榆

粉榆晉灼曰粉白榆也社在豐東北十五里狗沛為沛

公則祀蚩尤釁鼓旗遂以十月至霸上立為漢王因以

十月為年首色上赤二年冬東擊項籍而還入關問故

秦時上帝祠何帝也對曰四帝有白青黃赤帝之祠高

祖曰吾聞天有五帝而四何也莫知其說於是高祖曰

吾知之矣迺待我而具五也迺立黑帝祠名曰北時有

司進祠上不親往悉召故秦祀官復置太祝太宰如其

故儀禮因令縣為公社李奇曰猶官社下詔曰吾甚重祠而敬

祭今上帝之祭及山川諸神當祠者各以其時禮祠之

如故後四歲天下已定詔御史令豐治粉榆社常以時

春以羊彘祠之令祝立蚩尤之祠於長安長安置祠祀

官女巫其梁巫祠天地天社天水房中堂上之屬晉巫

祠五帝東君雲中君巫社巫祠族人炊之屬服虔曰東君以下皆

神名也師古曰東君日也雲中君謂雲神也巫社巫祠皆古巫之神也巫祠皆古主炊母之神也炊謂饗饗也

秦巫祠杜主巫保族釁之屬師古曰杜主即上所云五杜主也巫保族釁二神名

荆巫祠堂下巫先司命施糜之屬師古曰堂下在堂之

司命說者云文昌第四星也九天巫祠九天師古曰九天者謂中

萬曆二十五年刊

司命說者云文昌第四星也

九天巫祠九天

天者謂中

央鈞天東方蒼天東北旻天北方玄天西北幽天西方皓天西南朱天南方炎天東南陽天也其說見淮南子一說云東方旻天東南陽天南方赤天西南朱天西方成天西北幽天北方玄天東北變天中央鈞天也皆以歲時祠宮中其河巫祠河於臨晉而南山巫祠南山秦中秦中者二世皇帝也各有時日其後二歲或言曰周興而邑立后稷之祠至今血食天下於是高祖制詔御史其今天下立靈星祠張晏曰龍星左角曰天田則農祥也晨見而祭之常以歲時祠以牛高祖十年春有司請令縣常以春二月及臘祠稷以羊彘民里社各自裁以祠師古曰隨其祠具之豐儉也制曰可文帝即位十三年下詔曰祕祝之官移過於朕甚弗取其除之始名山大川在諸侯諸侯祝各自奉

祠天子官不領及齊淮南國廢令太祝盡以歲時致禮如故明年以歲比登詔有司增雍五時路車各一乘駕被具師古曰駕車被馬之飾皆具也西時畦時寓車各一乘寓馬四匹駕被具河湫漢水玉加各二及諸祀皆廣壇場圭幣俎豆以差加之魯人公孫臣上書曰始秦得水德及漢受之推終始傳師古曰謂轉次之則漢當土德土德之應黃龍見宜改正朔服色上黃時丞相張蒼好律歷以為漢迺水德之時河決金隄其符也年始冬十月色外黑內赤服日十月陰氣在外故外黑陽氣尚伏在地故內赤也或曰十月百草外黑內赤也與德相應公孫臣言非是罷之明年黃龍見成紀師古曰天水之縣也文帝召



公孫臣拜為博士與諸生申明土德草改歷服色事師古

曰草謂創造之也其夏下詔曰有異物之神見于成紀母害於

民歲以有年朕幾郊祀上帝諸神師古曰幾讀曰異禮官議母

諱以朕勞有司皆曰古者天子夏親郊祀上帝於郊故

曰郊於是夏四月文帝始幸雍郊見五時祠衣皆上赤

趙人新垣平以望氣見上言長安東北有神氣成五采

若人冠冕焉或曰東北神明之舍西方神明之墓也張晏

曰神明日也日出東北舍謂陽谷日沒於西故曰墓墓濛谷也師古曰此說非也蓋總言凡神明以東北為居

西方為冢墓之所故立廟於渭陽者也天瑞下宜立祠上帝以合符應於

是作渭陽五帝廟同宇師古曰宇謂屋之覆也言同一屋之下而別為五廟各立門室

也廟記云五帝廟在長安東北也帝一殿面五門各如其帝色祠所用

及儀亦如雍五時明年夏四月文帝親拜霸渭之會如淳

曰二水之合也以郊見渭陽五帝五帝廟臨渭其北穿蒲池溝

水師古曰蒲池為池而種蒲蒲字或作滿言其水滿也權火舉而祠若光輝然屬

天焉於是貴平至上大夫賜累千金而使博士諸生刺

六經中作王制師古曰刺采取之也音千賜反謀議巡狩封禪事文帝

出長門如淳曰亭名也若見五人於道北遂因其直立五帝壇

鄭氏曰因其所立處以立祠也師古曰直猶當也當其處祠以五牢其明年平使人

持玉杯上書闕下獻之平言上曰闕下有寶玉氣來者

已視之果有獻玉杯者刻曰人主延壽平又言臣候日

再中居頃之日卻復中於是始更以十七年為元年令

天下大醮平言曰周鼎亡在泗水中今河決通於泗臣

望東北汾陰直有金寶氣師古曰汾陰直謂正當汾陰也意周鼎其出

乎兆見不迎則不至於是上使使治廟汾陰南臨河欲

祠出周鼎人有上書告平所言皆詐也下吏治誅夷平

師古曰夷者平也謂盡平除其家室宗族是後文帝怠於改正服鬼神之事

師古曰正正朔也服服色也而渭陽長門五帝使祠官領以時致禮

不往焉明年匈奴數入邊興兵守御後歲少不登數歲

而孝景卽位十六年祠官各以歲時祠如故無有所興

武帝初卽位尤敬鬼神之神祀漢興已六十餘歲矣天下

艾安縉紳之屬皆望天子封禪改正度也師古曰正亦正朔度度量也服色度量

也服色度量而上鄉儒術師古曰鄉讀曰嚮招賢良趙綰王臧

等以文學為公卿欲議古立明堂城南以朝諸侯草巡

狩封禪改歷服色事未就竇太后不好儒術使人微伺

趙綰等姦利事按綰臧綰臧自殺諸所興為皆廢六年

竇太后崩其明年徵文學之士明年上初至雍郊見五

時後常三歲一郊是時上求神君舍之上林中礪氏館

如淳曰礪音蹄鄭氏曰音斯師古曰鄭音是也其字從石從虎神君者長陵女子呂乳

死見神於先後宛若孟康曰產乳而死也兄弟妻相謂先後宛若字也師古曰先音蘇見

反後音胡構反古謂之娣姒今關中俗呼為先後吳楚俗呼之為妯娌音軸里宛若祠之其室

萬曆二十五年刊

民多往祠平原君亦往祠其後子孫以尊顯應劭曰平原君武帝

外祖母也及上即位則厚禮置祠之內中聞其言不見其人

云是時李少君亦以祠竈穀道卻老方見上如淳曰祠竈可以致

福李奇曰穀道辟穀不食之道也上尊之少君者故深澤侯人主方如淳曰

曰侯家人主方藥也匿其年及所生長常自謂七十能使物卻老

如淳曰物謂鬼物也其游以方徧諸侯無妻子人聞其能使物及

不死更饒遺之常餘金錢衣食人皆以為不治產業而

饒給又不知其何所人愈信爭事之少君資好方善為

巧發奇中如淳曰時時發言有所中常從武安侯宴坐中有年九十

餘老人少君廼言與其大父游射處老人為兒從其大

父識其處一坐盡驚少君見上上有故銅器問少君少

君曰此器齊桓公十年陳於柏寢臣瓚曰晏子書柏寢臺名也師古曰以柏

木為寢室於臺之上已而按其刻果齊桓公器師古曰刻謂一宮

盡駭以為少君神數百歲人也少君言上祠竈皆可致

物致物而丹沙可化為黃金黃金成以為飲食器則益

壽益壽而海中蓬萊僊者廼可見之以封禪則不死黃

帝是也臣嘗游海上見安期生安期生食臣棗大如瓜

安期生僊者通蓬萊中合則見人不合則隱於是天子

始親祠竈遣方士入海求蓬萊安期生之屬而事化丹

沙諸藥齊為黃金矣師古曰齊藥之分齊也音才計反久之少君病死

萬曆二十五年刊

前漢書卷五十五

郊祀志

七

天子以為化去不死也使黃鍾史寬舒受其方孟康曰二人皆

方士也師古曰而海上燕齊怪迂之方士多更來言神

事矣薄忌也晉灼曰濟陰薄縣人曰天神貴者泰一泰一佐曰五帝師古曰謂青帝靈

也白帝白招矩黑帝叶光紀黃帝含樞紐也一說蒼帝名

靈符赤帝名文祖白帝名顯紀黑帝名玄矩黃帝名神

斗古者天子以春秋祭泰一東南郊日一太牢七日師

曰每日以一大牢為壇開八通之鬼道於是天子令太祝

立其祠長安城東南郊常奉祠如忌方其後人上書言

古者天子三年一用太牢祠三一天一地一泰一天子

許之令太祝領祠之於忌泰一壇上如其方後人復有

言古天子常以春解祠祠黃帝用一臬破鏡張晏曰黃

首也歲之始也臬惡逆之鳥方土虛誕云以歲始拔除

凶災令神仙之帝食惡逆之物使天下為逆者破滅訖

竟無有遺育也孟康曰臬鳥名食母破鏡獸名食父黃

帝欲絕其類使百吏祠皆用之破鏡如狸而虎眼如淳

曰漢使東郡送臬五月五日作臬羹以賜百官以其

惡鳥故食之也師古曰解祠者謂祠祭以解罪求福冥

羊用羊祠馬行用一青牡馬泰一臬山山君用牛武夷

君用乾魚陰陽使者以一牛孟康曰陰令祠官領之如

其方而祠泰一於忌泰一壇旁後二年郊雍獲一角獸

若庶然師古曰庶鹿屬也形似有司曰陛下肅祗郊祀

上帝報享錫一角獸蓋麟云於是以薦五時時加一牛

以燎賜諸侯白金以風符應合于天也晉灼曰符瑞也

侯以此符瑞之應也於是濟北王以為天子且封禪上書獻泰山

及其旁邑天子以它縣償之常山王有罪師古曰舉與遷同

天子封其弟真定以續先王祀而以常山為郡然後五

嶽皆在天子之郡明年齊人少翁以方見上上有所幸

李夫人夫人卒少翁以方蓋夜致夫人及竈鬼之貌云

天子自帷中望見焉迺拜少翁為文成將軍賞賜甚多

以客禮禮之文成言上即欲與神通宮室被服非象神

神物不至迺作畫雲氣車及各日勝日服虔曰甲乙五行相克之日如

淳曰如火勝金用丙駕車辟惡鬼又作甘泉宮中為臺

室畫天地泰一諸鬼神而置祭具以致天神居歲餘其

方益衰神不至迺為帛書以飯牛師古曰謂雜草以飯牛也言扶掖及陽

不知言此牛腹中有奇書殺視得書書言甚怪天子識

其手師古曰手謂所書于跡問之果為書於是誅文成將軍隱之

其後又作柏梁銅柱承露僊人掌之屬矣蘇林曰僊人以手掌擎盤

承甘露師古曰三輔故事云建章宮承露盤高二一丈大七圍以銅為之上有僊人掌承露和玉屑飲之蓋張

衡西京賦所云立脩莖之僊掌承雲表之文成死明年

天子病鼎湖甚晉灼曰黃圖宮名在京兆地理志湖本在京兆後分屬弘農也巫醫無

所不致游水發根言上郡有巫病而鬼下之服虔曰游水縣名發

根人姓名晉灼曰地理志游水水名在臨淮淮浦也師古曰二說皆非也游水姓也發根名也蓋因水為姓也

本嘗遇病而鬼下之故為巫也上召置祠之甘泉及病使人問神君神

君言曰天子無憂病病少瘳強與我會甘泉於是上病瘳遂起幸甘泉病良已

孟康曰更立此宮也臣瓚曰壽宮奉神之宮也楚辭曰蹇將澹今壽宮也大赦置壽宮神君

一其佐曰太禁司命之屬皆從之非可得見聞其言言

與人音等時去時來來則風蕭然居室帷中時晝言然

常以夜天子被然後入

孟康曰崇絜自除被然後入也師古曰被音發勿反因巫

為主人關飲食所欲言行下

李奇曰神所欲言上輒為下之也晉灼曰神君所言

君神君所言上使受書其名曰畫法

孟康曰策畫之法也其所言

世俗之所知也無絕殊者而天子心獨憲其事祕世莫

知也後三年有司言元宜以天瑞不宜以一二數

蘇林曰得諸瑞以一元曰建二元以長星日光

蘇林曰以有長星之光故曰今郊得一角獸曰狩云

如淳曰改元符元年其明年

天子郊雍曰今上帝朕親郊而后土無祀則禮不答也

師古曰答對也郊天而不祀地夫對偶之義一曰闕地祗之祀故不為神所答應也有司與太史

令談祠官寬舒議

師古曰談師古曰談師古曰天地牲角繭粟

師古曰牛角之形或如繭或如栗言其小今陛下親祠后土后土宜於澤中圜丘為

五壇壇一黃犢牢具已祠盡瘞而從祠衣上黃

師古曰黃衣也

於是天子東幸汾陰汾陰男子公孫滂洋等見

汾旁有光如絳上遂立后土祠於汾陰雕上

師古曰雕音誰解在

武紀如寬舒等議上親望拜如上帝禮禮畢天子遂至滎

陽還過雒陽下詔封周後令奉其祀語在武紀上始巡

幸郡縣寢尋於泰山矣鄭玄曰尋用也晉灼曰尋遂社之意也師古曰二說皆非也寢

漸也尋其春樂成侯登上書言樂大樂大膠東宮人度服

就也故嘗與文成將軍同師已而為膠東王尚方師古曰主

方而樂成侯姊為康王后無子孟康曰膠東王后也王死它姬子

立為王而康后有淫行與王不相中相危以法師古曰不相可

也相危以法謂以罪法相康后聞文成死而欲自媚於

上乃遣樂大人因樂成侯求見言方夫子既誅文成後

悔其方不盡及見樂大人說大為人長美言師古曰善為甘美之

也多方略而敢為大言處之不疑大言曰臣嘗往來海

中見安期羨門之屬顧以臣為賤不信臣又以為康王

諸侯耳不足與方臣數以言康王康王又不問臣臣之

師曰黃金可成而河決可塞不死之藥可得僊人可致

也然臣恐效文成則方士皆掩口惡敢言方哉上曰文

成食馬肝死耳子誠能脩其方我何愛乎大曰臣師非

有求人人者求之陛下必欲致之則貴其使者令為親

屬以客禮待之勿卑使各佩其信印迺可使通言於神

人神人尚肯邪不邪尊其使然後可致也於是上使驗

小方鬪慕慕自相觸擊是時上方憂河決而黃金不就

廼拜大爲五利將軍居月餘得四印得天士將軍地士

將軍大通將軍印制誥御史昔禹疏九河決四瀆間者

河溢臯陸隄繇不息師古曰臯水旁地廣平曰陸言水

甚多不朕臨天下二十有八年天若遺朕士而大通焉

乾稱飛龍鴻漸于般孟康曰般水涯堆也漸進也武帝

得道若飛龍在天師古曰飛龍在天乾卦九五爻朕意

庶幾與焉師古曰與其以二千戶封地士將軍大爲樂

通侯賜列侯甲第童千人乘輿斥車馬帷帳器物以充

其家師古曰斥又以衛長公主妻之孟康曰衛太子妹

也師古曰外戚傳云子夫生三女元朔三年生男據是則太子之姊也孟說非也齋金十萬斤

更名其邑曰當利公主天子親如五利之第使者存問

共給相屬於道自大主將相以下皆置酒其家韋昭曰

帝姑竇太后之女也獻遺之天子又刻玉印曰天道將軍使使衣

羽衣夜立白茅上五利將軍亦衣羽衣立白茅上受印

以視不臣也師古曰羽衣以鳥羽爲衣取其而佩天道

者且爲天子道天神也師古曰爲音于僞反於是五利

常夜祠其家欲以下神後裝治行東入海求其師云大

見數月佩六印覺震天下而海上燕齊之間莫不益擊

而自言有禁方能神僊矣師古曰益捉持也擊古其夏

六月汾陰巫錦應劭曰爲民祠魏脰后土營旁應劭曰

魏故魏

國也師古曰汾雅本魏地之墳見地如鉤狀指視得鼎

故曰魏雅也營謂祠之兆域也鼎大異於眾鼎文鏤無款

識音式志反其下美陽鼎亦同也怪之言吏吏告河東

太守勝勝以聞天子使驗問巫得鼎無姦詐廼以禮祠

迎鼎至甘泉從上行薦之如淳曰以鼎從行上甘泉將

反至中山晏溫乃有黃雲故為異也師古曰中讀曰仲

之以祭云至長安公卿大夫皆議尊寶鼎天子曰間者

河溢歲數不登故巡祭后土祈為百姓育穀今年豐稯

未報鼎曷為出哉師古曰楹美也言稼穡美也未報者

未獲年豐之穀也其下張敞引有司皆言聞昔秦帝與

神鼎師古曰秦帝者即一者一統天地萬物所繫象

也黃帝作寶鼎三象天地人禹收九牧之金師古曰九

也鑄九鼎象九州皆嘗鬻亨上帝鬼神服虔曰以享祀

也鬻亨一也鬻亨煮而祀也韓詩采蘋其空足曰鬲蘇林

音歷足中空不以象三德如淳曰鼎有三足故也三德

三德一曰正直二曰剛克三正之德師古曰如說非也

三曰柔克事見周書洪範饗承天祐夏德衰鼎遷于殷

殷德衰鼎遷于周周德衰鼎遷于秦秦德衰宋之社亡

鼎廼淪伏而不見周頌曰自堂徂基自羊徂牛鼎及

鼎不吳不敖胡考之休師古曰周頌絲衣之詩也基門

弁上謂之嘉吳謹誦也教慢也考壽也休美也言執祭
事者或升堂室或之門塾視牛羊之牲及舉大小之鼎
告其致絜神降之福故獲壽考之美曰何壽之美何壽
之美者歎之之言也鼎音乃代反嘉音茲敖讀曰傲

今鼎至甘泉以光潤龍變承休無疆合茲中山有黃白

雲降師古曰言鼎至甘泉之後光潤變見若龍之神能
幽能明能小能大乘此休福無窮竟也有黃白雲

降與初至中山黃蓋若獸為符也晉灼曰雲若獸在車蓋
也

鹿也師古曰二說非也蓋發語辭也路弓乘矢集獲壇

下李奇曰宜言靈弓韋昭曰路大也四矢曰乘
師古曰韋說是也又於壇下獲弓矢之應報祠大

亨唯受命而帝者心知其意而合德焉服虔曰高祖受
命知之宜見鼎

於其廟也師古曰鼎宜視宗禰廟臧於帝庭以合明應

制曰可入海求蓬萊者言蓬萊不遠而不能至者殆不

見其氣上迺遣望氣佐候其氣云其秋上雍且郊師古
曰雍

地形高故云上或曰五帝泰一之佐也宜立泰一而上

親郊之上疑未定齊人公孫卿曰今年得寶鼎其冬辛

巳朔旦冬至與黃帝時等卿有札書曰黃帝得寶鼎冕

侯問於鬼吏區師古曰鬼吏區黃帝臣也藝文志云鬼
容區而此志作史區史容聲相近蓋一

也鬼吏區對曰黃帝得寶鼎神策是歲巳酉朔旦冬至

得天之紀終而復始於是黃帝迎日推策晉灼曰迎數
之也臣瓚曰

日月朔望未來而後率二十歲復朔旦冬至凡二十推

三百八十年黃帝僊登于天卿因所忠欲奏之師古曰
所忠人

姓名也解所忠視其書不經疑其妄言謝曰寶鼎事已

在食貨志

決矣尚何以爲卿因嬖人奏之上大說迺召問卿對曰
受此書申公申公已死上曰申公何人也卿曰齊人與
安期生通受黃帝言無書獨有此鼎書曰漢興復當黃
帝之時曰漢之聖者在高祖之孫且曾孫也寶鼎出而
與神通封禪封禪七十二王唯黃帝得上泰山封申公
曰漢帝亦當上封禪封禪則能僊登天矣黃帝萬諸侯
而神靈之封君七千應劭曰黃帝時諸侯會封禪者七千人也李奇曰說僊道得封者七千國也張晏曰神靈之封謂山川之守也師古曰張說是也山川之守謂尊山川之神令主祭祀也卽國語所云汪芒氏之君守封嶠之山也天下名山八而三在蠻夷五在中國中
國華山首山太室山東萊山此五山黃帝之所常

游與神會黃帝且戰且學僊患百姓非其道迺斷斬非

鬼神者百餘歲然後得與神通黃帝郊雍上帝宿三月

鬼吏區號大鴻死葬雍故鴻冢是也蘇林曰今雍有鴻冢其後黃

帝接萬靈明庭明庭者甘泉也所謂寒門者谷口也服虔

曰黃帝升僊之處也師古曰谷口仲山之谷口也漢時爲縣今呼之治谷是也以仲山之北寒涼故謂此谷爲寒門黃帝采首山銅鑄鼎於荆山下晉灼曰地理志首山屬河東蒲阪荆

山在馮翊懷德縣也鼎既成有龍垂胡顛下迎黃帝師古曰胡謂顛其毛也音人占及黃帝上騎羣臣後宮從上龍七十餘人龍迺

去餘小臣不得上迺悉持龍顛龍顛拔墮墮黃帝之弓

百姓印望黃帝既上天乃抱其弓與龍顛號故後世因

萬曆二十五年刊



名其處曰鼎湖其弓曰烏號於是天子曰嗟乎誠得如

黃帝吾視去妻子如脫屣耳拜卿為郎使東候神於太

室上遂郊雍至隴西登空桐幸甘泉令祠官寬舒等具

泰一祠壇祠壇放亳忌泰一壇三陔師古曰陔重也三陔三重壇也音該

五帝壇環居其下各如其方黃帝西南除八通鬼道服虔

曰坤位在未黃帝從土位泰一所用如雍一時物而加醴棗脯之屬

殺一鵝牛以為俎豆牢具李奇曰音狸師古曰西南而夷長尾髦之牛也一音茅

五帝獨有俎豆醴進師古曰具俎豆酒醴而進之一其日進謂雜物之具所以加禮也

下四方地為膾食羣神從者及北斗云師古曰膾字與綴同謂連續而

祭也音竹茵反食讀曰飲已祠胙餘皆燎之其牛色白白鹿居其中

彘在鹿中鹿中水而酒之服虔曰水玄酒酒真酒也晉灼曰此言合牲物而燎之也

師古曰言以白鹿內牛中內鹿中又以水及酒合內祭日以牛祭月以羊彘

特師古曰若牛若羊若彘止一牲也泰一祝宰則衣紫及繡五帝各如

其色日赤月白十一月辛巳朔旦冬至物爽師古曰物爽謂日尚

冥蓋未明之時也物音忽天子始郊拜泰一朝朝日夕夕月師古曰以朝且

拜日為朝下朝音艾昭反則揖而見泰一如雍郊禮其贊饗曰師古曰贊

祝辭天始以寶鼎神策授皇帝朔而又朔終而復始皇

帝敬拜見焉而衣上黃其祠列火滿壇壇旁亨炊具有

司云祠上有光公卿言皇帝始郊見泰一雲陽有司奉

瑄玉孟康曰瑄大六寸謂之瑄嘉牲薦饗師古曰漢舊儀云祭天是養牛五歲至三千斤也

萬曆二十五年刊 前漢書卷三十五 郊祀志 二十七

夜有美光及晝黃氣上屬天太史令談祠官寬舒等曰

神靈之休祐福兆祥宜因此地光域立泰時壇以明應

師古曰明著美光及黃氣之祥應令太祝領秋及臘間祠三歲天子壹

郊見其秋為伐南越告禱泰一以牡荆畫幡日月北斗

登龍以象太一三星為泰一李奇曰牡荆作幡柄也如淳曰牡荆荆之

無子者皆繫齊之道晉灼曰牡節間不相當也月暈刻之為彖以畏病者天文志天極星其一明者太一也旁

三星三公也畫一星在後三星在前為泰一畫旗也師古曰李晉二說是也以牡荆為幡竿而畫幡為日月龍

及命曰靈旗為兵禱則太史奉以指所伐國而五利將

軍使不敢入海之泰山祠上使人隨驗實無所見五利

妄言見其師其方盡多不師古曰讎無驗也上廼誅五

利其冬公孫卿候神河南言見僊人迹緱氏城上有物

如雉往來城上天子親幸緱氏視迹問卿得毋効文成

五利乎卿曰僊者非有求人主人主者求之其道非少

寬暇神不來言神事如迂誕積以歲廼可致於是郡國

各除道繕治宮館名山神祠所以望幸矣其春既滅南

越嬖臣李延年以好音見上善之下公卿議曰民間祠

有鼓舞樂今郊祀而無樂豈稱乎公卿曰古者祠天地

皆有樂而神祇可得而禮或曰泰帝使素女鼓五十弦

瑟悲帝禁不止師古曰泰帝亦謂泰昊也故破其瑟為二

十五絃於是塞南越禱祠泰一后土始用樂舞益召歌

兒作二十五弦及空侯瑟自此起其來年冬上議曰古

者先振兵釋旅然後封禪廼遂北巡朔方勒兵十餘萬

騎還祭黃帝冢橋山釋兵涼如李奇曰地名也上曰吾聞黃帝

不死有冢何也或對曰黃帝以僊上天羣臣葬其衣冠

既至甘泉為且用事泰山先類祠泰一師古曰且猶將也類祠謂以事

類而自得寶鼎上與公卿諸生議封禪封禪用希曠絕

莫知其儀體而羣儒采封禪尚書周官王制之望祀射

牛事師古曰天子有事宗廟必自射牲蓋示親殺也事見國語齊人丁公年九十餘

曰封禪者古不死之名也秦皇帝不得上封陛下必欲

上稍上即無風雨遂上封矣於是廼令諸儒習射牛

草封禪儀數年至且行天子既聞公孫卿及方士之言

黃帝以上封禪皆致怪物與神通欲放黃帝以接神人

蓬萊高世比德於九皇張晏曰三皇之前有人皇九首

古曰韋而頗采儒術以文之羣儒既已不能辯明封禪

事又拘於詩書古文而不敢騁上為封祠器視羣儒羣

儒或曰不與古同徐偃又曰師古曰徐偃太常諸生行

禮不如魯善周霸屬圖封事服虔曰屬會也會諸儒圖

姓名也屬音之欲反於是上黜偃霸而盡罷諸儒弗用三月廼東

幸緱氏禮登中嶽太室從官在山上聞若有言萬歲云

問上上不言問下下不言廼令祠官加增太室祠禁毋

萬曆二十五年刊

伐其山木以山下戶凡三百封密高為之奉邑

師古曰密古崇

字耳以崇奉嵩高之山故謂之密高奉邑奉音扶用反

獨給祠復無有所與上因

東上泰山

如淳曰言易上也泰山從南面直上步道三十里車道百里

泰山草木未

生迺令人上石立之泰山顛上遂東巡海上行禮祠八

神齊人之上疏言神怪奇方者以萬數迺益發船令言

海中神山者數千人求蓬萊神人公孫卿持節常先行

候名山至東萊言夜見大人長數丈就之則不見見其

迹甚大類禽獸云羣臣有言見一老父牽狗言吾欲見

鉅公

鄭氏曰天子也張晏曰天子為天下父故曰鉅公也師古曰鉅大也

已忽不見上既

見大迹未信及羣臣又言老父則大以為僊人也宿留

海上

師古曰宿留謂有所須待也宿音先欲反留音力就反它皆類此

與方士傳車

師古

曰傳音張戀反

及間使求神僊人以千數

師古曰間微也四月隨間障而行也

還至奉高上念諸儒及方士言封禪人殊不經難施行

天子至梁父禮祠地主至乙卯令侍中儒者皮弁縉紳

射牛行事封泰山下東方如郊祠泰一之禮封廣丈二

尺高九尺其下則有玉牒書書祕禮畢天子獨與侍中

奉車子侯上泰山

服虔曰子侯霍去病子也

亦有封其事皆禁明日

下陰道丙辰禪泰山下趾東北肅然山如祭后土禮天

子皆親拜見衣上黃而盡用樂焉江淮間一茅三春為

神藉五色土益雜封縱遠方奇獸飛禽及白雉諸物頗

以加祠兕牛象犀之屬不用皆至泰山然後去封禪祠
其夜若有光晝有白雲出封中天子從禪還坐明堂羣
臣更上壽下詔改元為元封語在武紀又曰古者天子
五載一巡狩用事泰山諸侯有朝宿地其令諸侯各治
即泰山下天子既已封泰山無風雨而方士更言蓬萊
諸神若將可得於是上欣然庶幾遇之復東至海上望
焉奉車子侯暴病一日死上迺遂去並海上北至碣石
巡自遼西歷北邊至九原五月迺至甘泉周萬八千里
云其秋有星孛于東井後十餘日有星孛于三能師古曰能
讀曰望氣王朔言後獨見填星出如瓜食頃復入有司

皆曰陛下建漢家封禪天其報德星云師古曰德星即

德星報其來年冬郊雍五帝還拜祝祠泰一師古曰拜

於帝祝贊饗曰德星昭衍厥維休祥師古曰昭明壽星仍出

淵燿光明信星昭見皇帝敬拜泰祝之享其春公孫卿

言見神人東萊山若云欲見天子天子於是幸緱氏城

拜卿為中大夫遂至東萊宿留之數日母所見見大人

迹云復遣方士求神人采藥以千數是歲旱天子既出

亡名迺禱萬里沙應劭曰萬里沙神祠也在東萊曲過

祠泰山臣瓚曰即今之泰山還至瓠子自臨塞決河留

二日湛祠而去師古曰湛讀曰沈謂沈祭具於

水中也爾雅曰祭川曰浮沈

前漢書卷三十五 郊祀志第五

前漢書卷三十五上終

前漢書卷三十五下 郊祀志第五下

漢 唐正議大夫行秘書少監琅邪縣開國子顏師古注

皇明朝列大夫國子監祭酒臣劉應秋

勅重較刊 承直 郎司業臣方從哲等奉

皇明朝列大夫國子監祭酒臣吳士元

肯重修 承德郎司業仍加俸一級臣黃 錦等奉

是時既滅兩粵粵人勇之乃言粵人俗鬼師古曰勇之越人名也俗

鬼言其土俗尚鬼神之事而其祠皆見鬼數有效昔東甌王敬鬼壽

百六十歲後世怠嫚故衰耗廼命粵巫立粵祝祠安臺

無壇亦祠天神帝百鬼師古曰天帝之神及百鬼而以雞卜李奇曰持雞骨

卜如鼠卜上信之粵祠雞卜自此始用公孫卿曰僊人可見

萬曆二十五年刊 前漢書卷三十五下 郊祀志

上往常遽以故不見今陛下可為館如緱氏城師古曰

置脯棗神人宜可致且僊人好樓居於是上令長安則

作飛廉桂館師古曰飛廉館及桂館二名也甘泉則作益壽延壽館師古曰

壽二館名使卿持節設具而候神人迺作通天臺置祠

具其下將招來神僊之屬於是甘泉更置前殿始廣諸

宮室夏有芝生甘泉殿房內中天子為塞河與通天若

有光云迺下詔赦天下師古曰為塞河及造通天臺而有神光之應故赦天下也其

明年伐朝鮮夏旱公孫卿曰黃帝時封則天旱乾封三

年師古曰三歲不雨暴上迺下詔天旱意乾封乎鄭氏

適新封則致旱天其今天下尊祠靈星焉明年上郊雍

五時通回中道遂北出蕭關歷獨鹿鳴澤自西河歸幸

河東祠后土明年冬上巡南郡至江陵而東登禮鸞之

天柱山號曰南嶽師古曰蓋廬江縣天柱山在焉浮江

自潯陽出樅陽過彭蠡禮其名山山川北至琅邪並海上

師古曰並四月至奉高修封焉初天子封泰山泰山東

北陟古時有明堂處處險不敞師古曰言其上欲治明

堂奉高旁未曉其制度濟南人公玉帶上黃帝時明堂

圖師古曰公玉姓也帶名也呂氏春秋齊有公玉丹此

蓋其舊族而說者讀公玉為宿非也單姓玉者後漢

司徒玉况明堂中有一殿四面無壁以茅蓋通水水圜

宮垣為復道師古曰復上有樓從西南入名曰昆侖天

子從之入以拜祀上帝焉於是上令奉高作明堂汶上

如帶圖師古曰汶水名也出現邪宋虛作明堂於汶及水之上也帶圖公玉帶所上明堂圖汶音問

是歲脩封則祠泰一五帝於明堂上坐合高皇帝祠坐

對之服虔曰漢是時未以高祖配天故言對光武以來乃配之。劉敞曰按王莽奏事文帝祠泰一已用

高祖配矣何謂未乎祠后土於下房以二十太牢天子從昆侖道

入始拜明堂如郊禮畢齋堂下而上師古曰齋古燎字又上泰

山自有祕祠其顛而泰山下祠五帝各如其方黃帝并

赤帝所師古曰與赤帝同處有司侍祠焉山上舉火下悉應之還

幸甘泉郊泰畤春幸汾陰祠后土明年幸泰山以十一

月甲子朔旦冬至日祀上帝於明堂後每修封其贊饗

曰天增授皇帝泰元神策周而復始皇帝敬拜泰一師古

日自此以上贊祝者辭東至海上考入海及方士求神者莫驗然

益遣幾遇之師古曰幾讀曰冀言更遣人求之冀必遇也乙酉柏梁災十二

月甲午朔上親禱高里師古曰高里山名也祠后土臨勃海將呂

望祀蓬萊之屬幾至殊庭焉師古曰殊庭蓬萊中僊人庭也幾讀曰冀上還

以柏梁災故受計甘泉公孫卿曰黃帝就青靈臺十二

日燒師古曰就成也造臺適成經十二日即遇火燒黃帝乃治明庭明庭甘泉

也方士多言古帝王有都甘泉者其後天子又朝諸侯

甘泉甘泉作諸侯邸勇之廼曰粵俗有火災復起屋必

以大用勝服之於是作建章宮度為千門萬戶前殿度

萬曆二十五年刊

高未央

師古曰度並音大各反

其東則鳳闕高二十餘丈

師古曰三輔故

事云其闕園上有銅鳳凰

其西則商中數十里虎圈

如淳曰商中商庭也師古曰商

金也於序在秋故謂西方之庭為商庭言廣數十里於苑亦西方之獸故於此置其圈也

其北治大

池漸臺高二十餘丈名曰泰液

師古曰漸浸也臺在池中為水所浸故曰漸臺

一音子廉反三輔黃圖或為濺字濺亦浸耳

池中有蓬萊方丈瀛洲壺梁象

海中神山龜魚之屬

師古曰三輔故事云池北岸有石魚長二丈高五尺西岸有石龜三

拔長六尺

其南有玉堂壁門大鳥之屬

師古曰立大鳥象也立神明臺

井幹樓高五十丈輦道相屬焉

師古曰漢宮閣疏云神明臺高五十丈上有九

室恒置九天道士百人然則神明井幹俱高五十丈也井幹樓積木而高為樓若井幹之形也井幹者井上木欄也其形或四角或八角張衡西京賦云井幹

疊而百層即謂此樓也幹或作翰其義並同夏漢改

歷以正月為歲首而色上黃官更印章以五字因為太

初元年是歲西伐大宛蝗大起丁夫人雒陽虞初等

劭

曰丁夫人其先丁復本越人封陽都侯夫人其後以詛軍為功帝昭曰丁姓夫人名也

以方祠詛

匈奴大宛焉明年有司言雍五時無牢孰具芬芳不備

迺令祠官進時犢牢具色食所勝

孟康曰若火勝金則祠赤帝以白牲也

而以木寓馬代駒云及諸名山川用駒者悉以木寓焉

代獨行過親祠迺用駒它禮如故明年東巡海上考神

僊之屬木有驗者方士有言黃帝時為五城十二樓

應劭

曰昆侖玄圃五城十二樓僊人之所常居

以候神人於執期

鄭氏曰地名也名曰迎

年師古曰迎年若云祈年

上許作之如方名曰明年

師古曰言明其得延年也

上親禮祠上犢黃焉公玉帶曰黃帝時雖封泰山然風

后封鉅岐伯令黃帝封東泰山帝昭曰風后封鉅岐伯皆黃帝臣也臣瓚曰東

泰山在琅邪朱虛界中有小泰山是禪凡山師古曰凡山在朱虛縣見地理志合符然後

不死天子既令設祠具至東泰山東泰山卑小不稱其

聲迺令祠官禮之而不封焉其後令帶奉祠候神物復

還泰山修五年之禮如前而加禪祠石閭石閭者在泰

山下吐南方師古曰下基之南面方士言僊人閭也故上親禪焉

其後五年復至泰山修封還過祭恒山自封泰山後十

三歲而周徧於五嶽四瀆矣後五年復至泰山修封東

幸琅邪禮日成山登之罍浮大海用事八神延年師古曰解

並在武紀延年即又祠神入於交門宮若有鄉坐拜者

云師古曰如有神人景象嚮祠坐而拜也事具在武紀鄉讀與嚮同後五年上復修封

于泰山東游東萊臨大海是歲雍縣無雲如靄者三師古

曰靄古雷字或如虹氣蒼黃若飛鳥集棫陽宮南師古曰棫

音域聲聞四百里隕石二黑如鷲有司以為美祥以薦宗

廟而方士之候神入海求蓬萊者終無驗公孫卿猶曰

大人之迹為解師古曰言見大人之跡以自解說也天子猶羈縻不絕師古

曰羈縻繫聯之意馬絡頭曰羈也牛鞞曰縻幾遇其真師古曰幾讀曰冀諸所興如

薄忌泰一及三一冥羊馬行赤星五牀寬舒之祠宮李奇

曰皆同名以歲時致禮凡六祠皆大祝領之至如八神諸明

年凡山宅名祠行過則祠去則已方士所興祠各自主
其人終則已祠官不主宅祠皆如故甘泉泰一汾陰后
土三年親郊祠而泰山五年一修封武帝凡五修封昭
帝卽位富於春秋未嘗親巡祭云宣帝卽位由武帝正
統興故立三年尊孝武廟爲世宗行所巡狩郡國皆立
廟告祠世宗廟日有白鶴集後庭以立世宗廟告祠孝
昭寢有鴈五色集殿前西河築世宗廟神光興于殿旁
有鳥如白鶴前赤後青神光又興于房中如燭狀廣川
國世宗廟殿上有鐘音門戶大開夜有光殿上盡明上
廼下詔赦天下時大將軍霍光輔政上共已正南面非

崇廟之祀不出十二年廼下詔曰蓋聞天子尊事天地
脩祀山川古今通禮也聞者上帝之祠闕而不親十有
餘年朕甚懼焉朕親飭躬齊戒親奉祀爲百姓蒙嘉氣
獲豐年焉明年正月上始幸甘泉郊見泰畤數有美祥
修武帝故事盛車服敬齊祠之禮頗作詩歌其三月幸
河東祠后土有神爵集改元爲神爵制詔太常夫江海
百川之大者也今闕焉無祠其令祠官以禮爲歲事師古
曰言每歲以四時祠江海雒水祈爲天下豐年焉自是
常祠之
五嶽四瀆皆有常禮東嶽泰山於博中嶽泰室於嵩高
南嶽瀟山於瀟師古曰瀟與潛同也西嶽華山於華陰北嶽常山

於上曲陽師古曰上曲陽常山郡之縣也河於臨晉師古曰馮翊之縣也臨河西岸江

於江都師古曰廣陵之縣也淮於平氏師古曰南陽之縣也濟於臨邑界中

師古曰東郡之縣也皆使者持節侍祠唯泰山與河歲五祠江水

四餘皆一禱而三祠云時南郡獲白虎獻其皮牙爪上

為立祠又呂方士言為隨侯劍寶玉寶璧周康寶鼎立

四祠於未央宮中又祠太室山於卽墨三尸山於下密

師古曰卽墨下密皆膠東之縣也祠天封苑火井於鴻門如淳曰地理志西河鴻門

縣有天封苑火井祠火從地中出又立歲星辰星太白熒惑南斗祠於

長安城旁又祠參山八神於曲城師古曰東萊之縣也蓬山石社

石鼓於臨胸師古曰臨胸齊郡縣也胸音劬地理志蓬山作蓬山也之罘山於臚

成山於不夜萊山於黃應劭曰臚音勰管灼曰臚不夜黃縣皆屬東萊師古曰臚音丈

友成山祠日萊山祠月又祠四時於琅邪蚩尤於壽良

師古曰東郡之縣也京師近縣鄠則有勞谷五牀山日月五帝僊

人玉女祠雲陽有徑路神祠祭休屠王也師古曰休屠匈奴王號也

徑路神本匈奴之祠也休音許蚩友屠音除又立五龍山僊人祠及黃帝天


神帝原水凡四祠於膚施師古曰膚施上郡之縣也或言益州有金

馬碧雞之神如淳曰金形似雞馬碧形似雞可醮祭而致於是遣諫大

夫王褒使持節而求之大夫劉更生獻淮南枕中洪寶

苑祕之方師古曰洪大也苑祕者言秘術之苑園也令尚方鑄作事不驗更

生坐論京兆尹張敞上疏諫曰願明主時忘車馬之好



斥遠方士之虛語游心帝王之術太平庶幾可興也後

尚方待詔皆罷是時美陽得鼎獻之師古曰美陽扶風之縣也下有

司議多以為宜薦見宗廟如元鼎時故事張敞好古文

字按鼎銘勒而上議曰臣聞周祖始乎后稷后稷封于

豳師古曰豳讀與郇同今武功故城是公劉發迹於豳師古曰今豳州是也大王建

國於邽梁師古曰梁山在岐山之東九嶷之西并夏陽之梁山也邽古岐字文武興於

邽鎬師古曰邽今長安城西豐水上也鎬在昆明池北由此言之則邽梁豐鎬

之間周舊居也固宜有宗廟壇場祭祠之藏今鼎出于

邽東中有刻書曰王命尸臣官此柎邑師古曰尸臣主事之臣也柎邑

節幽地是也柎音荀賜爾旂鸞黼黻珺芘師古曰交龍為旂鸞謂有鸞之車也黼黻冕服

也珺戈刻鏤之尸臣拜手稽首曰敢對揚天子丕顯休

命師古曰拜手首至於手也臣愚不足以迹古文師古曰尋其文迹竊以傳

記言之此鼎殆周之所以褒賜大臣大臣子孫刻銘其

先功藏之于宮廟也昔寶鼎之出於汾睢也河東太守

以聞詔曰朕巡祭后土祈為百姓蒙豐年師古曰為音于偽及今

穀曠未報師古曰曠少意也言穀稼尚少未獲豐年也曠音若輦反鼎焉為出哉博

問耆老意舊臧與服虔曰言鼎豈舊臧於此地師古曰與讀曰數誠欲考得事

實也有司驗睢上非舊臧處鼎大八尺一寸高三尺六


寸殊異於眾鼎今此鼎細小又有款識師古曰款刻也識記也音式志

反不宜薦見於宗廟制曰京兆尹議是土自幸河東之

萬曆二十五年刊

明年正月鳳皇集殺羽師古曰殺羽馮翊之縣也殺音丁活反又丁外反羽音况矩反於所集處得玉寶起步壽宮廼下詔赦天下後開歲鳳皇神爵甘露降集京師赦天下其冬鳳皇集上林廼作鳳皇殿呂荅嘉瑞明年正月復幸甘泉郊泰時改元曰五鳳明年幸雍祠五時其明年春幸河東祠后土赦天下後開歲改元為甘露正月上幸甘泉郊泰時其夏黃龍見新豐建章未央長樂宮鐘虜銅人皆生毛長一寸師古曰虜神獸名也縣鐘之木刻飾為之因名曰虜也時以為美祥後開歲正月上郊泰時因朝單于於甘泉宮後開歲改元為黃龍正月復幸甘泉郊泰時又朝單于於甘泉宮至冬而崩

鳳皇下郡國凡五十餘所元帝即位遵舊儀間歲正月一幸甘泉郊泰時又東至河東祠后土西至雍祠五時凡五奉泰時后土之祠亦施恩澤時所過毋出租賜百戶牛酒師古曰言有時如此不常然也或賜爵赦罪人元帝好儒貢禹韋玄成匡衡等相繼為公卿禹建言漢家宗廟祭祀多不應古禮上是其言後韋玄成為丞相議罷郡國廟自太上皇孝惠帝諸園寢廟皆罷後元帝寢疾夢神靈譴罷諸廟祠上遂復焉後或罷或復至哀平不定語在韋玄成傳成帝初即位丞相衡御史大夫譚師古曰衡匡衡譚張奏言帝王之事莫大乎承天之序承天之序莫重於



郊祀故望王盡心極慮以建其制祭天於南郊就陽之

義也瘞地於北郊即陰之象也師古曰祭地曰瘞葬天故云瘞地也即就也

之於天子也因其所都而各饗焉往者孝武皇帝居甘

泉宮即於雲陽立泰畤祭於宮南今行常幸長安郊見

皇天反北之泰陰祠后土反東之少陽事與古制殊又

至雲陽行谿谷中阨陝且百里汾陰則渡大川有風波

舟楫之危皆非聖主所宜數乘郡縣治道共張吏民困

苦師古曰共讀曰供音居用反張音竹亮反下皆類此百官煩費勞所保之民行

危險之地師古曰保養也難以奉神靈而祈福祐殆未合於承

天子民之意昔者周文武郊於豐鄗成王郊於維邑由

此觀之天隨王者所居而饗之可見也甘泉泰畤河東

后土之祠宜可徙置長安合於古帝王願與羣臣議定

奏可大司馬車騎將軍許嘉等八人以爲所從來久遠

宜如故右將軍王商博士師丹議郎翟方進等五十人

以爲禮記曰燔柴於太壇祭天也瘞葬於太折祭地也

韋昭曰太折謂爲壇於昭晰地也師古曰折曲也言方澤之形四曲折也兆於南郊所以定

天位也鄧展曰除地爲營將有形兆也祭地於太折在北郊就陰位也

郊處各在聖王所都之南北書曰越三日丁巳用牲于

郊牛二周公加牲告徙新邑定郊禮於雒明王聖主事

天明事地察天地明察神明章矣天地以王者爲主故

聖王制祭天地之禮必於國郊長安聖主之居皇天所
觀視也甘泉河東之祠非神靈所饗宜徙就正陽大陰
之處違俗復古循聖制定天位如禮便於是衡譚奏議
曰陛下聖德忽明上通師古曰忽與聰同承天之大典覽羣下
使各悉心盡慮議郊祀之處天下幸甚臣聞廣謀從衆
則合於天心故洪範曰三人占則從二人言言少從多
之義也論當往古宜於萬民則依而從之違道寡與則
廢而不行今議者五十八人其五十人言當徙之義皆
著於經傳同於上世便於吏民八人不按經藝考古制
而以為不宜無法之議難以定吉凶太誓曰正稽古立

功立事可以永年丕天之大律

師古曰今文泰誓周書也稽考也永長也不奉

也律法也言正考古道而立事則可

長年享有天下是則奉天之大法也

上陟降厥士日監在茲

師古曰詩周頌敬之詩也陟升也士事也言無謂天之高而又

高遠在上而不加敬天乃上下升降

言天之日監王者

之處也又曰迺眷西顧此維予宅

師古曰大雅皇矣之詩也宅居也言天眷

然西顧以周國為居也商紂在東故謂周為西也

言天以文王之都為居也宜

於長安定南北郊為萬世基天子從之既定衡言甘泉

泰時紫壇八觚宣通象八方

服虔曰八觚如今社壇也師古曰觚角也五帝

壇周環其下又有羣神之壇以尚書禋六宗望山川徧

羣神之義紫壇有文章采鏤黼黻之飾及玉女樂

師古曰漢

舊儀云祭天用六綵綺席六重用玉虎玉飾器凡七十女樂卽禮樂志所云使童男童女俱歌也石壇

僊人祠瘞鸞路駢駒寓龍馬不能得其象於古臣聞郊

柴壇饗帝之義埽地而祭上質也歌大呂舞雲門以埃

天神歌太簇舞咸池以埃地祇師古曰此周禮也大呂合於黃鍾黃鍾陽聲之

首也雲門黃帝樂也太簇陽聲次二者也咸池堯樂也其牲用犢其席纁稽其器

陶匏師古曰陶瓦器匏瓠也稽音戛皆因天地之性貴誠上質不敢修

其文也以爲神祇功德至大雖修精微而備庶物猶不

足以報功唯至誠爲可故上質不飾以章天德紫壇僞

飾女樂鸞路駢駒龍馬石壇之屬宜皆勿修衡又言王

者各以其禮制事天地非因異世所立而繼之今雍鄜

密上下時晉灼曰秦文公宣公所立時也本秦侯各以其意所立非禮

之所載術也漢興之初儀制未及定卽且因秦故祠復

立北時今旣稽古建定天地之大禮郊見上帝青赤白

黃黑五方之帝皆畢陳各有位饌祭祀備具諸侯所妄

造王者不當長遵及北時未定時所立師古曰謂高祖之初禮儀未定

不宜復修天子皆從焉及陳寶祠由是皆罷明年上始

祀南郊赦奉郊之縣及中都官耐罪囚徒師古曰中都官京師諸官

府也是歲衡譚復條奏長安厨官縣官給祠郡國候神方

士使者所祠凡六百八十三所其二百八所應禮及疑

無明文可奉祠如故其餘四百七十五所不應禮或復

重請皆罷奏可本雍舊祠二百三所唯山川諸星十五
所為應禮云若諸布諸嚴諸逐皆罷社主有五祠置其
一又罷高祖所立梁晉秦荆巫九天南山萊中之屬及
孝文渭陽孝武薄忌泰一三一黃帝冥羊馬行泰一臯
山山君武夷夏后啓母石萬里沙八神延年之屬及孝
宣參山蓬山之朶成山萊山四時蚩尤勞谷五牀僊人
玉女徑路黃帝天神原水之屬皆罷候神方士使者副
佐本草待詔七十餘人皆歸家師古曰本草待詔謂以
方藥本草而待詔者
明年匡衡坐事免官爵衆庶多言不當變動祭祀者又
初罷甘泉泰畤作南郊日大風壞甘泉竹宮折拔時中

樹木十圍以上百餘天子異之以問劉向對曰家人尚

不欲絕種祠師古曰家人謂庶人之家
也種祠繼嗣所傳祠也況於國之神寶

舊時且甘泉汾陰及雍五畤始立皆有神祇感應然後

營之非苟而已也武宣之世奉此三神禮敬敕備師古
曰敕

整也神光尤著祖宗所立神祇舊位誠未易動及陳寶祠

自秦文公至今七百餘歲矣漢興世世常來光色赤黃

長四五丈直祠而息音聲砰隱野雞皆雉師古曰直當
也息止也當

祠處而止也每見雍太祝祠以太牢遣候者乘傳馳詣

行在所師古曰報神之
來也傳丁戀反以為福祥高祖時五來文帝二

十六來武帝七十五來宣帝二十五來初元元年以來

亦二十來此陽氣舊祠也及漢宗廟之禮不得擅議皆祖宗之君與賢臣所共定古今異制經無明文至尊至重難以疑說正也前始納貢禹之議後人相因多所動搖易大傳曰誣神者殃及三世恐其咎不獨止禹等上意恨之師古曰恨悔也後上以無繼嗣故令皇太后詔有司曰蓋聞王者承事天地交接泰一尊莫著於祭祀孝武皇帝大聖通明始建上下之祀師古曰上下謂天地營泰畤于甘泉定后土于汾陰而神祇安之饗國長久子孫蕃滋累世遵業福流于今今皇帝寬仁孝順奉循聖緒靡有大愆而久無繼嗣思其咎職師古曰職主也咎過主於此也殆在徙南北郊

違先帝之制改神祇舊位失天地之心以妨繼嗣之福

春秋六十未見皇孫

師古曰皇太后自謂

食不甘味寢不安席朕

甚悼焉春秋大復古善順祀其復甘泉泰畤汾陰后土如故及雍五畤陳寶祠在陳倉者天子復親郊禮如前又復長安雍及郡國祠著明者且半成帝末年頗好鬼神亦以無繼嗣故多上書言祭祀方術者皆得待詔祠祭上林苑中長安城旁費用甚多然無大貴盛者谷未說上曰臣聞明於天地之性不可惑以神怪知萬物之情不可罔以非類諸背仁義之正道不遵五經之法言而盛稱奇怪鬼神廣崇祭祀之方求報無福之祠及言

世有僊人服食不終之藥造與輕舉如淳曰遙遠也與

遙字也與起也登遐倒景如淳曰在日月之上反從下

謂起而遠去也覽觀縣圃浮游蓬萊李奇曰崑崙九成上有縣圃

五德朝種暮穫晉灼曰翼氏風角五德東方甲南方丙

地而耕與山石無極師古曰言獲長壽黃冶變化晉灼曰黃

者鑄黃金也道家言冶丹堅冰淖溺晉灼曰方士詐以

砂令變化可鑄作黃金也色五倉之術者李奇曰思身中有五色腹中有五倉

令可餌也師古曰或說非也淖濡甚也音女教反皆

姦人惑衆挾左道懷詐偽以欺罔世主師古曰左道邪

也聽其言洋洋滿耳若將可遇求之盪盪如係風捕景

終不可得是以明王距而不聽聖人絕而不語昔周史

萇弘欲以鬼神之術輔尊靈王會朝諸侯而周室愈微

諸侯愈叛楚懷王隆祭祀事鬼神欲以獲福助卻秦師

而兵挫地削身辱國危秦始皇初并天下甘心於神僊

之道遣徐福韓終之屬多齋童男童女入海求神采藥

因逃不還天下怨恨漢興新垣平齊人少翁公孫卿樂

大等皆以僊人黃冶祭祠事鬼使物入海求僊采藥貴

幸賞賜累千金大尤尊盛至妻公主爵位重案震動海

內元鼎元封之際燕齊之間方士瞋目扼擊言有神僊

祭祀致福之術者以萬數其後平等皆以術窮詐得誅

萬曆二十五年刊

夷伏辜

師古曰詐得謂主上得其詐偽之情

至初元中有天淵玉女鉅鹿

神人轅陽侯師張宗之姦紛紛復起

師古曰轅陽侯江仁也元帝時坐侯

家丞上印紋隨宗學仙免官轅音遠

夫周秦之末三五之隆

師古曰三五謂三皇五帝

也巴嘗專意散財厚爵祿竦精神舉天下以求之矣曠

日經年靡有毫釐之驗足以揆今經曰享多儀儀不及

物惟曰不享論語說曰子不語怪神唯陛下距絕此類

毋令姦人有以窺朝者上善其言後成都侯王商為大

司馬衛將軍輔政杜鄴說商曰東鄰殺牛不如西鄰之

禴祭師古曰此易既濟九五爻辭也東鄰謂商紂也西鄰周文王也禴祭謂禴糞新菜以祭言祭祀之道

莫盛修德故紂之牛牲不言奉天之道貴以誠質大得

民心也行穢祀豐猶不蒙祐德修薦薄吉必大來古者

壇場有常處祭禮有常用

師古曰壇古燎字

贊見有常禮犧牲

玉帛雖備而財不匱車輿臣役雖動而用不勞是故每

舉其禮助者歡說

師古曰助謂助祭也說讀曰悅

大路所歷黎元不知

師古曰大路天子祭天所乘之車也黎元不知言無徭費不勞於下也

今甘泉河東天地

郊祀咸失方位違陰陽之宜及雍五時皆曠遠奉尊之

役休而復起繕治共張無解已時皇天著象殆可略知

前上甘泉先馭失道

師古曰馭與驅字同

禮月之夕奉引復迷

章昭

曰奉引前導引車

祠后土還臨河當渡疾風起波船不可御又

雍大雨壞平陽宮垣廼三月甲子震電災林光宮門

孟康

曰甘泉一名林光師古曰林光秦離宮祥瑞未著咎徵名也漢又於其旁起甘泉宮非一名也

仍臻迹三郡所奏皆有變故師古曰迹謂觀其事迹也不答不饗何

以甚此師古曰不答不當天意不饗不為天所饗也詩曰率由舊章舊章先

王法度文王以之交神于祀子孫千億宜如異時公卿

之議復還長安南北郊後數年成帝崩皇太后詔有司

曰皇帝即位思順天心遵經義定郊禮天下說意師古曰說

讀曰悅懼未有皇孫故復甘泉泰畤汾陰后土庶幾獲福

皇帝恨難之卒未得其祐其復南北郊長安如故以順

皇帝之意也哀帝即位寢疾博徵方術士京師諸縣皆

有侍祠使者盡復前世所常興諸神祠官凡七百餘所

二歲三萬七千祠云明年復令太皇太后詔有司曰皇

帝孝順奉承聖業靡有懈怠師古曰解讀曰解而久疾未瘳夙

夜唯思殆繼體之君不宜改作其復甘泉泰畤汾陰后

土祠如故上亦不能親至遣有司行事而禮祠焉後三

年哀帝崩平帝元始五年大司馬王莽奏言王者父事

天故爵稱天子孔子曰人之行莫大於孝孝莫大於嚴

父嚴父莫大於配天王者尊其考欲以配天緣考之意

欲尊祖推而上之遂及始祖是以周公郊祀后稷以配

天宗祀文王於明堂以配上帝禮記天子祭天地及山

川歲徧春秋穀梁傳以十二月下辛上正月上辛郊師古

萬曆二十五年刊

曰豫上高皇帝受命因雍四時起北時而備五帝未共

天地之祀師古曰共孝文十六年用新垣平初起渭陽

五帝廟祭泰一地祇以太祖高皇帝配日冬至祠泰一

夏至祠地祇皆并祠五帝而共一牲上親郊拜後平伏

誅廼不復自親而使有司行事孝武皇帝祠雍曰今上

帝朕親郊而后土無祠則禮不答也於是元鼎四年十

一月甲子始立后土祠於汾陰或曰五帝泰一之佐宜

立泰一五年十一月祭未始立泰一祠於甘泉三歲一

郊與雍更祠師古曰更音工衡反亦以高祖配不歲事天皆未應

古制建始元年徙甘泉泰時河東后土於長安南北郊

永始元年三月呂未有皇孫復甘泉河東祠綏和二年

呂卒不獲祐復長安南北郊建平三年懼孝哀皇帝之

疾未瘳復甘泉汾陰祠竟復無福臣謹與太師孔光長

樂少府平晏大司農左咸中壘校尉劉歆大中大夫朱

陽博士薛順議郎國由等六十七人議皆曰宜如建始

時丞相衡等議復長安南北郊如故莽又頗改其祭禮

曰周官天墜之祀師古曰墜古地字也下皆類此樂有別有合其合樂

曰呂六律六鍾五聲八音六舞大合樂祀天神祭墜祇

祀四望祭山川享先妣先祖師古曰此周禮春官大司

六鍾以六律六鍾之均也五聲宮商角徵羽八音金石

絲竹匏土革木六舞雲門咸池大韶大夏大濩大武也

萬曆二十五年刊

前漢書卷之五

郊祀志

七

大合樂者編作之也先妣姜嫄也先祖先王先公也凡六樂奏六歌而天墜神祇

之物皆至師古曰謂一變而致羽物及川澤之祇再變而致羸物及山林之祇三變而致鱗物及丘

陵之祇四變而致毛物及墳衍之祇五變而致介物及地祇六變而致象物及天神四望蓋謂日月星海也三光高而不可得親海廣大無限界故其樂

同祀天則天文從祭墜則墜理從三光天文也山川地理也天地合祭先祖配天先妣配墜其誼一也天墜合

精夫婦判合祭天南郊則呂墜配一體之誼也天墜位

皆南鄉同席墜在東共牢而食高帝高后配于壇上西

鄉后在北亦同席共牢牲用繭栗師古曰謂牛角如繭及栗者牛之小也

玄酒陶匏禮記曰天子籍田千畝日事天墜師古曰畷古畷字

繇是言之宜有黍稷天地用牲一燔瘞瘞用牲一高

帝高后用牲一天用牲左及黍稷燔瘞南郊墜用牲右

及黍稷瘞于北郊其旦東鄉再拜朝日其夕西鄉再拜

夕月然後孝弟之道備而神祇嘉享萬福降輯師古曰輯與集

同此天墜合祀呂祖妣配者也其別樂曰冬日至於墜

上之園丘奏樂六變則天神皆降夏日至於澤中之方

丘奏樂八變則墜祇皆出師古曰此亦春官大司樂之職也天神之樂園鍾為宮黃

鐘為角太簇為徵姑洗為羽雷鼓雷鼗孤竹之管雲和

之琴瑟雲門之舞地祇之樂函鍾為宮太簇為角姑洗

為徵南呂為羽靈鼓靈鼗孫竹之管空桑之琴瑟咸池

之舞先奏是樂以致其神禮之以玉然後合樂而祭天墜有常位不得常合此其各特祀者也陰陽之別於



日冬夏至其會也呂孟春正月上辛若丁天子親合祀

天墜于南郊呂高帝高后配陰陽有離合易曰分陰分

陽迭用柔剛以日冬至使有司奉祠南郊高帝配而望

羣陽日夏至使有司奉祭北郊高后配而望羣陰皆呂

助致微氣通道幽弱當此之時后不省方師古曰謂冬

后君也方常故天子不親而遣有司所呂正承天順地

復聖王之制顯太祖之功也渭陽祠勿復修羣望未悉

定定復奏奏可三十餘年間天墜之祠五徙焉後莽又

奏言書曰類於上帝禋于六宗歐陽大小夏侯三家說

六宗皆曰上不及天下不及墜旁不及四方在六者之

間助陰陽變化實一而名六名實不相應禮記祀典功

施於民則祀之天文日月星辰所昭仰也地理山川海

澤所生殖也易有八卦乾坤六子水火不相逮雷風

相諄山澤通氣然後能變化既成萬物也師古曰乾

為長男巽為長女坎為中男離為中女艮為少男兌為

少女故云六子也水火坎離也雷風震巽也山澤艮兌

也逮及諄亂也既盡也雷臣前奏徙甘泉泰畤汾陰后

土皆復于南北郊謹按周官兆五帝于四郊山川各因

其方師古曰春官小宗伯之職也兆謂為壇之營域也

五帝於四郊謂青帝於東郊赤帝及黃帝於南郊

白帝於西郊黑帝於北郊也今五帝兆居在雍五時亦

也星辰水火溝瀆皆六宗之屬也今或未特祀或無兆
居謹與太師光大司徒宮羲和歆等八十九人議皆曰
天子父事天母事墜今稱天神曰皇天上帝秦一兆曰
秦時而稱墜祇曰后土與中央黃靈同又兆北郊未有
尊稱宜令墜祇稱皇墜后祇兆曰廣時易曰方呂類聚
物呂羣分分羣神呂類相從爲五部兆天墜之別神中
央帝黃靈后土時及日廟北辰北斗填星中宿中宮于
長安城之未墜兆東方帝太昊青靈句芒時及靄公風
伯廟歲星東宿東宮于東郊北南方炎帝赤靈祝融時
及熒惑星南宿南宮于南郊兆西方帝少皞白靈蓐收

時及太白星西宿西宮于西郊兆北方帝顓頊黑靈玄

冥時及月廟雨師廟辰星北宿北宮于北郊兆奏可於

是長安旁諸廟兆時甚盛矣莽又言帝王建立社稷百

王不易社者土也宗廟王者所居稷者百穀之主所呂

奉宗廟共粢盛人所食呂生活也王者莫不尊重親祭

自爲之主禮如宗廟詩曰乃立冢土師古曰大雅絲之

神謂大社也又曰呂御田祖呂祈甘雨師古曰小雅甫田之

設樂以御祭於神禮記曰唯祭宗廟社稷爲越縹而行

爲農求甘雨也李奇曰引棺車謂之縛當祭天地五祀則越縹而

漢興禮儀稍定已有官社未立官稷臣瓚曰高帝除秦

所謂太社也時又立官社配以夏禹所謂王社也見漢

祀令而未立官稷至此始立之世祖中興不立官稷相

承至遂於官社後立官稷呂夏禹配食官社后稷配食

官稷稷種穀樹師古曰穀樹楮樹也徐州牧歲貢五色

土各一斗莽篡位二年興神僊事呂方士蘇樂言起八

風臺於宮中臺成萬金作樂其上順風作液湯如淳曰

有液湯經其義未聞也又種五梁禾於殿中師古曰五色禾也谷

各順色置其方面先鸞鶴醴毒昌犀玉二十餘物漬種

師古曰鸞古養字也醴古隨字也謂鸞取汁以漬穀子也毒音代冒音莫內反計粟斛成一金

言此黃帝穀僊之術也呂樂為黃門郎令主之莽遂密

鬼神淫祀師古曰密古崇字至其末年自天地六宗呂下至諸

小鬼神凡千七百所用三牲鳥獸三千餘種後不能備

迺以雞當鶩鴈犬當麋鹿數下詔自以常僊語在其傳

贊曰漢興之初庶事草創唯一叔孫生略定朝廷之儀

若迺正朔服色郊望之事數世猶未章焉至于孝文始

呂夏郊而張倉據水德公孫臣賈誼更以為土德卒不

能明孝武之世文章為盛太初改制而兒寬司馬遷等

猶從臣誼之言李奇曰公孫臣賈誼服色數度遂順黃德彼以五

德之傳從所不勝服虔曰傳音亭傳之傳五帝相承代

便以火代金師古曰傳音張戀反秦在水德故謂漢據土而克之劉向

父子呂為帝出于震故包羲氏始受木德其後呂母傳

萬曆三十五年刊

子終而復始自神農黃帝下歷唐虞三代而漢得火焉
故高祖始起神母夜號著赤帝之符旗章遂赤自得天
統矣鄧展曰向父子雖有此議時不施行至昔其工氏
光武建武二年乃用火德色尚赤耳
呂水德間于木火師古曰共讀曰與秦同運非其次序
與秦同運非其次序
故皆不永由是言之祖宗之制蓋有自然之應順時宜
矣究觀方士祠官之變谷永之言不亦正乎不亦正乎

前漢書卷二十五下終

前漢書卷二十六

天文志第六

漢 蘭 臺 令 史 固 撰

唐正議大夫行必書少監琅邪縣開國子顏師古注

皇明朝列大夫國子監祭酒臣劉應秋

勅重較刊 承 直 郎司業臣方從哲等奉

皇明朝列大夫國子監祭酒臣吳士元 承 德 郎 司 業 仍 加 俸 一 級 臣 黃 錦 等 奉

凡天文在圖籍昭昭可知者經星常宿中外官凡百一

十八名積數七百八十三星皆有州國官宮物類之象

其伏見蚤晚邪正存亡虛實闕陜孟康曰伏見早晚謂
五星也日月五星下

道為邪存謂列宿不虧也亡謂恒星不見虛實若天牢
星實則因多虛則開出之屬也闕陜若三台星相去遠
也及五星所行合散犯守陵歷闕食孟康曰合同舍也
散五星有變則其

精散為祿星也犯七寸以內光芒相及也陵相貫過也

食星月相陵不見者則所蝕也韋昭曰自下往觸之曰

犯居其宿曰守經之為歷張晏曰彗孛飛流日月薄食

除舊布新也李氣似彗飛流謂飛星流星也孟康曰飛

絕迹而去也流光迹相連也日月無光曰薄京房易傳

曰日月赤黃為薄或曰不交而食曰薄彗適背穴抱珥

重蜺孟康曰背日旁氣也適日之將食先有黑之變也

日也珥形如背字也穴多作鑷其形如玉鑷也抱氣向

齧蟬謂之重表云雄為重雌為蜺凡氣在日上為冠

為戴在旁直對為珥在旁如半環向日為迅雷風祆怪

抱向外為背有氣刺日為鑷鑷快傷也雲變氣此皆陰陽之精其本在地而上發于天者也政

失於此則變見於彼猶景之象形鄉之應聲師古曰鄉

是以明君覩之而寤飭身正事思其咎謝則禍除而福

至自然之符也中宮天極星其一明者泰一之常居也

旁三星三公或曰子屬後句四星末大星正如餘三星

後宮之屬也環之匡衛十二星藩臣皆曰紫宮前列直

斗口三星隨北端銳若見若不見曰陰德或曰天一紫

宮左三星曰天槍右四星曰天棊蘇林曰音格打之棊

後十七星絕漢抵營室曰閣道北斗七星所謂璇璣玉

衡以齊七政杓攜龍角孟康曰杓斗柄也龍衡殷南斗

魁枕參首晉灼曰衡斗之用昏建者杓杓自華以西南

孟康曰傳曰斗第七星法太白主杓斗之尾也

尾為陰又其用昏昏陰位在西方故主西南

夜半建

者衡衡殷中州河濟之間孟康曰假令杓昏建平旦建

者魁魁海岱以東北也

孟康曰傳曰斗魁第一星法為日主齊魁斗之首首陽也又其

用在明陽與明德在東方故主東北

斗為帝車運于中央臨制四海分

陰陽建四時均五行移節度定諸紀皆繫於斗斗魁戴

筐六星曰文昌宮

晉灼曰似筐故曰戴筐

一曰上將二曰次將三

曰貴相四曰司命五曰司祿六曰司災在魁中貴人之

牢

孟康曰傳曰天理四星在斗魁中貴人牢名曰天理也

魁下六星兩兩而比者

曰三能

蘇林曰能音台

三能色空君臣和不空為乖戾柄輔星

孟康曰在北

明近輔臣親疆斥小疏弱

蘇林曰斥遠也

杓端有

兩星一內為矛招搖

孟康曰近北斗者招搖招搖為天

一星

一外為盾天蠶

晉灼曰外遠此斗也

有句園十五

星屬杓曰賤人之牢牢中星實則囚多虛則開出天一

槍楛矛看動搖角大兵起

李奇曰角芒角

東宮蒼龍房心心為明堂大星天王前後星子屬不欲

直直王矢計房為天府曰天駟其陰右驂旁有兩星曰

衿衿北一星曰牽

晉灼曰牽古轉字

東北曲十二星曰旗旗中

四星曰天市天市中星眾者實其中虛則耗房南眾星

曰騎官左角理右角將大角者天王帝坐廷其兩旁各

有三星鼎足句之曰攝提

晉灼曰如鼎足之句曲也

攝提者直斗杓

所指以建時節故曰攝提格亢為宗廟主疾其南北兩

大星曰南門氐為天根主疫尾為九子曰君臣斥絕不

和箕爲敖客后妃之府曰口舌火犯守角則有戰房心王者惡之

南宮朱鳥權衡

孟康曰軒轅爲權太微爲衡也

衡太微三光之廷筐衛

十二星藩臣西將東相南四星執法中端門左右掖門

掖門內六星諸侯其內五星五帝坐後聚十五星曰哀

鳥郎位旁一大星將位也月五星順入軌道司其出所

守天子所誅也其逆入若不軌道以所犯名之中坐成

形

晉灼曰中坐犯帝坐也成形禍福之形見

皆羣下不從謀也金火尤甚廷

藩西有隨星四名曰少微士大夫權軒轅黃龍體

如騰

前大星女主象旁小星御者後宮屬月五星守犯

者如衡占東井爲水事火入之一星居其左右天子且

以火爲敗東井西曲星曰戌北北河南南河兩河天關

間爲關梁輿鬼鬼祠事中白者爲質

晉灼曰輿鬼五星其中白者爲質

火守南北河兵起穀不登故德成衡觀成潢

晉灼曰日月五星不

軌道也衡太微廷也觀占也潢五潢五帝車舍也

傷成戌

晉灼曰賊傷之禍成占先成形於成

井

晉灼曰東井主水事火人一星居其旁天子日以火敗故曰禍也

誅成質

晉灼曰災惑入輿鬼

天質占曰柳爲鳥喙主木草七星頸爲員宮主急事張

嗉爲厨主觴客翼爲羽翮主遠客軫爲車主風其旁有

一小星曰長沙星星不欲明明與四星等若五星入軫

中兵大起軫南衆星曰天庫庫有五車車星角若益衆

及不具亡處車馬

西宮咸池曰天五潢五潢五帝車舍火人旱金兵水水

中有三柱柱不具兵起奎曰封豨為溝瀆婁為聚眾胃

為天倉其南眾星曰詹積如淳曰芻藁積為詹也昂曰旄頭胡星

也為白衣會畢曰旱車為邊兵主弋獵其大星旁小星

為附耳附耳搖動有讒亂臣在側昂畢間為天街其陰

陰國陽陽國孟康曰陰西南象坤維河山已南國也參為白虎三

星直者是為衡石孟康曰參三星者白虎宿中東西直似稱衡也下有三星銳

曰罰孟康曰在參間上小下大故曰銳為斬艾事其外

四星左右肩股也小三星隅置曰觜觶為虎首主葆旅

事如淳曰關中俗謂桑榆葉生為葆晉灼曰禾野生曰旅今之饑民采旅也宋均曰葆守也旅軍眾也言佐

參伐斬艾除凶也其南有四星曰天廁天廁下一星曰天矢矢

黃則吉青白黑凶其西有句曲九星三處羅列一曰天

旗二曰天苑三曰九旂其東有大星曰狼狼角變色多

盜賊下有四星曰弧直狼比地有大星曰南極老人晉灼

曰比地近地也老人見治安不見兵起常以秋分時候之南郊

北宮玄武虛危危為蓋屋宋均曰危上一星高旁兩星下似蓋屋也虛為哭

泣之事宋均曰蓋屋之下中無人但空虛似乎殯宮故主哭泣也其南有眾星曰羽

林天軍宋均曰虛危營室陰陽終始之處際會之間恒多姦邪故設羽林為軍衛軍西為壘

或曰戌旁一大星北落北落若微亡軍星動角益稀

五星犯北落入軍軍起火金水尤甚火入軍憂水水患

木土軍吉孟康曰木星土星入北落軍則吉也危東六星兩兩而比曰司

寇營室為清廟曰離宮閣道漢中四星曰天駟旁一星

曰王梁王梁策馬車騎滿野旁有八星絕漢曰天橫天

橫旁江星江星動以人涉水杵曰四星在危南匏瓜有

青黑星守之魚鹽貴南斗為廟其北建星建星者旗也

牽牛為犧牲其北河鼓河鼓大星上將左左星劉敞曰星蓋將

字右右將婺女其北織女織女天女孫也

歲星晉灼曰太歲在四仲則歲行三宿太歲在四孟四季則歲行二宿二八十六三四十二而二行二十八宿十二歲而周天曰東方春木於人五常仁也五事貌也仁虧

貌失逆春令傷木氣罰見歲星歲星所在國不可伐可

以伐人超舍而前為贏退舍為縮贏其國有兵不復縮

其國有憂其將死國傾敗所去失地所之得地一曰當

居不居國亡所之國昌已居之又東西去之國凶不可

舉事用兵安靜中度吉出入不當其次必有天祇見其

舍也歲星贏而東南孟康曰五星東行天西轉歲星晨見東方行疾則不見不見則變為

禘星石氏見彗星甘氏不出三月迺生彗本類星末類彗

長二丈贏東北石氏見覺星甘氏不出三月迺生天棊

本類星末銳長四尺縮西南孟康曰歲星當伏西方石行遲早及變為禘星也

氏見欖雲如牛韋昭曰欖音參差之參甘氏不出三月迺生天槍

左右銳長數丈縮西北石氏見槍雲如馬甘氏不出三月廼生天欒本類星末銳長數丈石氏槍欒倍孳異狀其殃一也必有破國亂君伏死其辜餘殃不盡為旱凶饑暴疾至日行一尺出二十餘日廼入甘氏其國凶不可舉事用兵出而易所當之國是受其殃又曰祇星不出三年其下有軍及失地若國君喪

○宋祁曰三年當作五年

熒惑

晉灼曰常以十月入太微受制而出行列宿司無道出入無常也

曰南方夏火禮

也視也禮虧視失逆夏令傷火氣罰見熒惑逆行一舍

二舍為不祥居之三月國有殃五月受兵七月國半亡

地九月地大半亡因

○宋祁曰亡因疑作亡國

與俱出入國絕祀熒

惑為亂為賊為疾為喪為饑為兵所居之宿國受殃殃還至者雖大當小居之久殃乃至者當小反大已去復還居之若居之而角者若動者繞環之及乍前乍後乍左乍右殃愈甚一日熒惑出則有大兵入則兵散周還止息廼為其死喪寇亂在其野者亡地以戰不勝東行疾則兵聚于東方西行疾則兵聚于西方其南為丈夫喪北為女子喪熒惑天子理也故曰雖有明天子必視熒惑所在

太白

晉灼曰常以正月甲寅與熒惑晨出東方二百四

十日而入入四十日又出西方二百四十日而入入三十五日而復出東方曰西方秋金義也言也義虧

言失逆秋令傷金氣罰見太白日方南太白居其南日
方北太白居其北爲羸侯王不寧用兵進吉退凶日方
南太白居其北日方北太白居其南爲縮侯王有憂用
兵退吉進凶當出不出當入不入爲失舍不有破軍必
有死王之墓有亡國一曰天下偃兵蹙有兵者所當之
國大凶當出不出未當入而入天下偃兵兵在外入未
當出而出當入而不入天下起兵有至破國未當出而
出未當入而入天下舉兵所當之國亡當期而出其國
昌出東爲東方入爲北方出西爲西方入爲南方所居
久其國利易其鄉凶

蘇林曰疾過也一說易鄉而出入也晉灼曰上言出而易言疾過是

也入七日復出將軍戰死入十日復出相死之入又復
出人君惡之已出三日而復微入三日迺復盛出是爲
奕而伏晉灼曰奕退也不進而伏伏不見也其下國有軍其衆敗將北已
入三日又復微出三日迺復盛入其下國有憂帥師雖
衆敵食其糧用其兵虜其帥出西方失其行夷狄敗出
東方失其行中國敗一曰出蚤爲月食晚爲天祇及彗
星將發于亡道之國太白出而留桑榆間病其下國

曰行遲而下也正出舉日平上而疾未盡期日過參天

病其對國晉灼曰三分天過其一此戌酉之間也太白經天天下革民更

王孟康曰謂出東入西出西入東也太白陰星出東當伏東出西當伏西過午爲經天晉灼曰日陽也日出

則星亡晝見午上爲經天是爲亂紀人民流亡晝見與日爭明疆國

弱小國疆女主昌太白兵象也出而高用兵深吉淺凶

埤淺吉深凶行疾用兵疾吉遲凶行遲用兵遲吉疾凶

角敢戰吉不敢戰凶擊角所指吉逆之凶進退左右用

兵進退左右吉靜凶圍以靜用兵靜吉趨凶出則兵出

入則兵入象太白吉反之凶赤角戰太白者猶軍也而

熒惑憂也故熒惑從太白軍憂離之軍舒出太白之陰

有分軍出其陽有偏將之戰當其行太白還之破軍殺

將辰星殺伐之氣戰鬪之象也與太白俱出東方皆赤

而角夷狄敗中國勝與太白俱出西方皆赤而角中國

敗夷狄勝五星分天之中積于東方中國大利積于西

方夷狄用兵者利辰星不出太白爲客辰星出太白爲

主人辰星與太白不相從雖有軍不戰辰星出東方太

白出西方若辰星出西方太白出東方爲格野雖有兵

不戰辰星入太白中五日乃出及入而上出破軍殺將

客勝下出客亡地辰星來抵太白不去將死正其上出

破軍殺將客勝下出客亡地視其所指以名破軍辰星

繞環太白若鬪大戰客勝主人吏死辰星過太白間可

械劔小戰客勝蘇林曰械音函容也其間可容一劔也居太白前旬三日

軍罷出太白左小戰歷太白右數萬人戰主人吏死出

太白右去三尺軍急約戰凡太白所出所直之辰其國為得位得位者戰勝所直之辰順其色而角者勝其色

害者敗晉灼曰鄭色黃而赤蒼小敗朱色黃而赤黑小敗楚色赤黑小敗燕色黑黃小敗皆大角勝也

太白白比狼赤比心黃比參右肩青比參左肩黑比奎

大星色勝位晉灼曰曰有色行勝色晉灼曰曰太白行行得

盡勝之晉灼曰曰行應天度雖有色得位行盡勝

辰星晉灼曰曰常以二月春分見奎婁五月夏至見東井

人以丑未二旬而入晨候曰北方冬水知也聽也知虧

聽失逾冬令傷水氣罰見辰星出蚤為月食晚為彗星

及天祇一時不出其時不和四時不出天下大饑失其

時而出為當寒及溫當溫及寒當出不出是謂擊卒兵

大起與它星遇而鬪天下大亂晉灼曰曰祇星彗孛出於

房心閒地動

填星晉灼曰曰常以甲辰元始建斗之歲曰中央季夏土

信也思心也仁義禮智以信為主貌言視聽以心為正

故四星皆失填星迺為之動填星所居國吉未當居而

居之若已去而復還居之國得土不乃得女子當居不

居既已居之又東西去之國失土不乃失女不有土事

若女之憂居宿久國福厚易福薄當居不居為失填其

下國可伐得者不可伐其贏為王不寧縮有軍不復一

曰既已居之又東西去之其國凶不可舉事用兵失次而上一舍三舍有王命不成不乃大水失次而下二舍有后感其歲不復不乃天裂若地動凡五星歲與填合則為內亂與辰合則為變謀而更事與熒惑合則為饑為旱與太白合則為白衣之會為水太白在南歲在北名曰牝牡晉灼曰歲陽也太白陰也故曰牝牡年穀大孰太白在北歲在南年或有或亡熒惑與太白合則為喪不可舉事用兵與填合則為憂主孽卿與辰合則為北軍用兵舉事大敗填與辰合則將有覆軍下師與太白合則為疾為內兵辰與太白合則為變謀為兵憂凡歲熒惑填太白四星與辰鬪皆為戰兵不在外皆為內亂一曰火與水合

為淬

晉灼曰火入水故曰淬也

與金合為鑠不可舉事用兵土與金

合國亡地與木合則國饑與水合為雍沮

晉灼曰沮音沮溼之沮水

性雍而潛土故曰雍沮一曰雍填也

不可舉事用兵木與金合鬪國有內

亂同舍為合相陵為鬪二星相近者其殃大二星相遠者殃無傷也從七寸以內必之韋昭曰必有禍也凡月食五星

其國皆亡

李奇曰謂其分野之國

歲以饑熒惑以亂填以殺太白

疆國以戰辰以女亂月食大角王者惡之凡五星所聚宿其國王天下從歲以義從熒惑以禮從填以重韋昭曰謂

以威重得從太白以兵從辰以法以法者以法致天下也三

星若合是謂驚立絕行晉灼曰有兵喪故驚改王故曰絕也其國外內有

兵與喪民人乏饑改立王公四星若合是謂大湯晉灼曰湯

猶盪也其國兵喪並起君子憂小人流五星若合是謂易

行有德受慶改立王者掩有四方子孫蕃昌亡德受罰

離其國家滅其宗廟晉灼曰宗祖廟也百姓離去被滿四方五

星皆大其事亦大皆小其事亦小也凡五星色皆圓白

為喪為旱赤中不平為兵青為憂為水黑為疾為多死

黃吉皆角赤犯我城黃地之爭白哭泣之聲青有兵憂

黑水五星同色天下戾兵百姓安寧歌舞以行不見災

疾五穀蕃昌

凡五星

歲緩則不行急則過分逾則占

熒惑緩則不出急則不入違道則占

填緩則不建急則過舍逾則占

太白緩則不出急則不入逆則占

辰緩則不出急則不入非時則占

五星不失信則年穀豐昌

凡以宿星通下之變者維星散句星信則地動孟康曰散在尾

北韋昭曰信音申有星守三淵天下大水地動海魚出紀星散

者山崩不即有喪龜鼈星不居漢中川有易者辰星入

五車大水熒惑入積水水兵起入積薪旱兵起守之亦然極後有四星名曰句星斗柄後有三星名曰維星散者不相從也

孟康曰謂不復行列而聚也

三淵蓋五車之三柱也

曰柱音注

天紀屬貫索積薪在北戌西北積水在北戌

東北

角亢氐沅州房心豫州尾箕幽州斗江湖牽牛婺女揚州虛危青州營室東壁并州奎婁胃徐州昴畢冀州觜

觶參益州東井輿鬼雍州柳七星張三河翼軫荊州甲

乙海外日月不占

晉灼曰海外遠甲乙日時不以占之

丙丁江淮海岱戌

巳中州河濟庚辛華山以西壬癸常山以北一曰甲齊

乙東夷丙楚丁南夷戊魏巳韓庚秦辛西夷壬燕趙癸

北夷子周丑翟寅趙卯鄭辰邯鄲巳衛午秦未中山申

齊酉魯戌吳越亥燕代秦之疆候太白占狼弧吳楚之

疆候熒惑占鳥衡燕齊之疆候辰星占虛危宋鄭之疆

候歲星占房心晉之疆亦候辰星占參罰及秦并吞三

晉燕代自河山以南者中國中國於四海內則在東南

為陽陽則日歲星熒惑填星占於街南畢主之其西北

則胡貉月氏旃裘引弓之民為陰陰則月太白辰星占

於街北昴主之故中國山川東北流其維首在隴蜀尾

沒於勃海碣石是以秦晉好用兵

孟康曰秦晉西南維之北為陰與胡貉引

引之民同 復占太白太白主中國而胡貉數侵掠獨占
故好用兵 辰星辰星出入趨疾常主夷狄其大經也
凡五星早出為羸羸為客晚出為縮縮為主人五星羸
縮必有天應見杓

太歲在寅曰攝提格歲星正月晨出東方石氏曰名監
德在斗牽牛失次杓早水晚旱甘氏在建星婺女太初
歷在營室東壁

在卯曰單閼二月出石氏曰名降入在婺女虛危甘氏
在虛危失次杓有水災太初在奎婁

在辰曰執徐三月出石氏曰名青章在營室東壁失次

杓早早晚水甘氏同太初在胃昴

在巳曰大荒落四月出石氏曰名路踵在奎婁甘氏同
太初在參罰

在午曰敦牂五月出石氏曰名啓明在胃昴畢失次杓
早早晚水甘氏同太初在東井輿鬼

在未曰協洽六月出石氏曰名長烈在觜騰參甘氏在
參罰太初在注張七星

在申曰涇灘七月出石氏曰名天晉在東井輿鬼甘氏
在弧太初在翼軫

在酉曰作謬爾雅作作噩作噩八月出石氏曰名長壬在柳七星

張失次杓有女喪民疾甘氏在注張失次杓有火太初在角亢

在戌曰掩茂九月出石氏曰名天睢在翼軫失次杓水甘氏在七星翼太初在氐房心

在亥曰大淵獻十月出石氏曰名天皇在角亢始甘氏在軫角亢太初在尾箕

在子曰困敦十一月出石氏曰名天宗在氐房始甘氏同太初在建星牽牛

在丑曰赤奮若十二月出石氏曰名天昊在尾箕甘氏在心尾太初在婺女虛危甘氏太初歷所以不同者以

星羸縮在前各錄後所見也其四星亦略如此

古歷五星之推亡逆行者至甘氏石氏經以營惑太白爲有逆行夫歷者正行也古人有言曰天下太平五星循度亡有逆行日不食朔月不食望夏氏日月傳曰日月食盡主位也不盡臣位也星傳曰日者德也月者刑也故曰日食脩德月食脩刑然而歷紀推月食與二星之逆亡異熒惑主內亂太白血主兵月主刑自周室衰亂臣賊子師旅數起刑罰失中雖其亡亂臣賊子師旅之變內臣猶不治四夷猶不服兵革猶不寢刑罰猶不錯故二星與月爲之失度三變常見及有亂臣賊子伏尸

流血之兵大變乃出甘石氏見其常然因以為紀皆非
正行也詩云彼月而食則惟其常此日而食于何不減
詩傳日月食非常也比之日食猶常也日食則不減矣
謂之小變可也謂之正行非也故熒惑必行十六舍去
日遠而顛恣太白出西方進在日前氣盛乃逆行及月
必食於望亦誅盛也

國皇星大而赤狀類南極所出其下起兵兵彊其衝不

利

孟康曰歲星之精散所為也五星之精散為六十四變志記不盡也

昭明星大而白無角乍上乍下所出國起兵多變

孟康曰形

如三足几儿上有九等上向熒惑之精也

五殘星出正東東方之星其狀類辰去地可六丈大而

黃

孟康曰星表有青氣如暈有毛填星之精

六賊星出正南南方之星去地可六丈大而赤數動有

光

孟康曰形如芴芒九角太白之精

司詭星出正西西方之星去地可六丈大而白類太白

孟康曰星大而兩角熒惑之精也

咸漢星出正北北方之星去地可六丈大而赤數動察

之中青

孟康曰一名獄漢星青中赤表下有三星從橫亦填星之精也

此四星所出非

其方其下有兵衝不利

四填星出四隅去地可四丈地維滅光亦出四隅去地

可二丈若月始出所見下有亂者亡有德者昌

燭星狀如太白其出也不行見則滅所燭城邑亂孟康曰星

上有三星上出亦填星之精也如星非星如雲非雲名曰歸邪李奇曰邪音蛇

孟康曰星有兩赤星上向上有蓋狀氣下連星歸邪出必有歸國者星者金之

散氣其本曰人孟康曰星石也金石相生人與星氣相應也星衆國吉少則

凶漢者亦金散氣其本曰水星多多水少則旱孟康曰漢河漢

也水生於金多少謂漢中星也其大經也

天鼓有音如雷非雷音在地而下及地其所住者兵發

其下

天狗狀如大流星孟康曰星有尾旁有彗下有聲其下有如狗形者亦大白之精

止地類狗所墜及望之如火光炎炎中天其下圓如數

頃田處上銳見則有黃色千里破軍殺將

格澤者如炎火之狀黃白起地而上下大上銳其見也

不種而穫不有土功必有大客

蚩尤之旗類彗而後曲象旗孟康曰熒惑之精也晉灼曰呂氏春秋云其色黃上

白見則王者征伐四方旬始出於北斗旁狀如雄雞其

怒青黑色象伏鼈李奇曰怒當言帑晉灼曰帑雌也或曰怒則色青宋均曰怒謂芒角刺出

枉矢狀類大流星蛇行而倉黑望如有毛目然

長庚廣如一匹布著天此星見起兵星碌至地則石也

如淳曰錄亦除土也天暉而見景星孟康曰暉精明也有赤方氣與青方氣相連赤方中有雨

黃星青方中有一黃星
凡三星合為景星也

景星者德星也其狀無常常出於有道之國日有中道
月有九行中道者黃道一日光道光道北至東井去北
極近南至牽牛去北極遠東至角西至婁去極中夏至
至於東井北近極故晷短立八尺之表而晷景長尺五
寸八分冬至至於牽牛遠極故晷長立八尺之表而晷
景長丈三尺一寸四分春秋分日至婁角去極中而晷
中立八尺之表而晷景長七尺三寸六分此日去極遠
近之差晷景長短之制也去極遠近難知要以晷景晷
景者所以知日之南北也日陽也陽用事則日進而北

晝進而長陽勝故為溫暑陰用事則日退而南晝退而
短陰勝故為涼寒也故日進為暑退為寒若日之南北
失節晷過而長為常寒退而短為常燠此寒燠之表也

故曰為寒暑一曰晷長為潦短為旱奢為扶鄭氏曰扶當為蟠齊

魯之間聲如醜醜扶聲近蟠止不行也扶者邪臣進而

正臣疏君子不足姦人有餘月有九行者黑道二出黃

道北赤道二出黃道南白道二出黃道西青道二出黃

道東立春春分月東從青道立秋秋分西從白道立冬

冬至北從黑道立夏夏至南從赤道然用之一決房中

道○未祁曰朱子文云房字當作於字蓋言月之行其道雖多然皆決於日之中道也故其後云至月行則

萬曆二十五年刊
向美書卷二十六
天文志
六

以晦朔決之又曰日之所行為中道月五星皆隨之也如此則一決於中道為允青赤出陽道白黑出陰道若月失節度而妄行出陽道則旱風出陰道則陰雨凡君行急則日行疾君行緩則日行遲日行不可指而知也故以二至二分之星為候日東行星西轉冬至昏奎八度中夏至氏十三度中春分柳一度中秋分牽牛三度七分中此其正行也日行疾則星西轉疾事執然也故過中則疾君行急之感也不及中則遲君行緩之象也至月行則以晦朔決之日冬則南夏則北冬至於牽牛夏至於東井日之所行為中道月五星皆隨之也箕星為風東北之星也東北地事天位也孟

曰東北陽日月五星起於牽牛故為天位坤在西南紐於陽為地統故為地事故易曰東北喪

朋及巽在東南為風風陽中之陰大臣之象也其星軫也月去中道移而東北入箕若東南入軫則多風西方為雨雨少陰之位也月失中道移而西入畢則多雨故詩云月離于畢俾滂沱矣言多雨也星傳日月入畢則將相有以家犯罪者言陰盛也書曰星有好風星有好雨月之從星則以風雨言失中道而東西也故星傳曰月南入牽牛南戒民間疾疫月北入太微出坐北若犯坐則下人謀上一日月為風雨日為寒溫冬至日南極晷長南不極則溫為害夏至日北極晷短北不極則寒

為害故書曰日月之行則有冬有夏也政治變於下日月運於上矣月出房北為雨為陰為亂為兵出房南為旱為天喪水旱至衝而應及五星之變必然之效也兩軍相當日暈等力均厚長大有勝薄短小亡勝重抱大破亡抱為和背為不和為分離相去直為自立立兵破軍若曰殺將抱且戴有喜圍在中中勝在外外勝青外赤中以和相去赤外青中以惡相去氣暈先至而後去居軍勝先至先去前有利後有病後至後去前病後利後至先去前後皆病居軍不勝見而去其後發疾雖勝亡功見半日以上功太白重屈短上下銳

李奇曰屈或為尾章昭曰

短而直者或曰短屈之虹有者下大流血日軍制勝近期三十日遠

期六十日其食食所不利復生往所利不然食盡為主位以其直及日所躔加日時用名其國凡望雲氣仰而望之三四百里平望在桑榆上千餘里二千里登高而望之下屬地者居三千里雲氣有戰居上者勝自華以南南氣下黑上赤高高三河之郊氣正赤常山以北氣下黑上青勃碣海岱之間氣皆黑江淮之間氣皆白徒氣白土功氣黃車氣乍高乍下往往而聚騎氣卑而布卒氣搏如淳曰搏專也音徒端反前卑而後高者疾前方而後高者銳後銳而卑者卻其氣平者其行徐前高後卑者不止而



反氣相遇者卑勝高銳勝方氣來卑而循車道者不過三四日去之五六里見氣來高七八尺者不過五六日去之十餘二十里見氣來高丈餘二丈者不過三四十日去之五六十里見梢雲精白者其將悍其士怯其大根而前絕遠者戰精白其芒低者戰勝其前赤而印者戰不勝陳雲如立垣杼雲類杼柚雲搏而箭銳杓雲如繩者居前竟天其半半天蜺雲者類鬪旗故銳鉤雲句曲諸此雲見以五色占而澤搏密其見動人迺有占兵必起占鬪其直正朔所候決於日旁日旁雲氣人主象皆如其形以占故北夷之氣如羣畜穹閭南夷之氣類

舟船幡旗大水處敗軍場破國之虛下有積泉金寶上皆有氣不可不察海旁蜃氣象樓臺廣壑氣成宮闕然雲氣各象其山川人民所聚積故候息耗者入國邑視封疆田疇之整治城郭室屋門戶之潤澤次至車服畜產精華實息者吉虛耗者凶若煙非煙若雲非雲郁郁紛紛蕭索輪囷是謂慶雲慶雲見喜氣也若霧非霧衣冠不濡見則其城被甲而趨夫雷電赧蚤辟歷夜明者陽氣之動者也春夏則發秋冬則藏故候書者亡不司天開縣物孟康曰謂天裂而見物象也天開示縣象地動坼絕山崩及隨川塞谿坎蘇林曰坎音伏伏流也如淳曰坎填塞不通也水澹地長澤竭見象城

郭門閭潤息橐枯宮廟廊第人民所次各俗車服觀民
飲食五穀草木觀其所屬倉府廩庫四通之路六畜禽
獸所產去就魚鼈鳥鼠觀其所處鬼哭若諱與人逢遇
訛言誠然凡候歲美惡謹候歲始歲始或冬至日產氣
始萌臘明日人衆卒歲壹會飲食發陽氣故曰初歲正
月旦王者歲首立春四時之始也四始者候之日而漢
魏鮮集臘明正月旦決八風孟康曰魏鮮人姓名作占候者風從南大
旱西南小旱西方有兵西北戎叔為孟康曰戎叔胡小豆也為成也
雨趣兵北方為中歲東北為上歲東方大水東南民有
疾疫歲惡故八風各與其衝對課多者為勝多勝少久

勝亟疾勝徐旦至食為麥食至日跌為稷跌至晡為黍
晡至下晡為叔下晡至日入為麻欲終日有雲有風有
日當其時深而多實亡雲有風日當其時淺而少實有
雲風亡日當其時深而少實有日亡雲不風當其時者
稼有敗如食頃小敗孰五斗米頃大敗風復起有雲其
稼復起各以其時用雲色占種所宜雨雪寒歲惡是日
光明聽都邑人民之聲聲宮則歲美吉商有兵徵旱羽
水角歲惡或從正月旦比數雨率日食一升至七升而
極孟康曰正月一日雨而民有一升之食二日雨而民有二升之食如此至七日已來驗也過之不
占數至十二日直其月占水旱孟康曰一日為其環域

千里內占即為天下候竟正月孟康曰月三十日周天

天月所離列宿日風雲占其國然必察太歲所在金穰

水毀木饑火旱此其大經也正月上甲風從東方來宜

蠶從西方來若旦有黃雲惡冬至短極縣土炭孟康曰先冬至

三日縣土炭於衡兩端輕重適均冬至而陽氣至則炭重夏至陰氣至則土重晉灼曰蔡邕律歷記候鐘律權

土炭冬至至陽氣應黃鐘通上炭輕而衡仰夏至陰氣應蕤賓通上炭重而衡低進退先後五日之中炭動

麋鹿解角蘭根出泉水踊略以知日至要決晷景夫天

運三十歲一小變百年中變五百年大變三大變一紀

三紀而大備此其大數也春秋二百四十二年間日食

三十六彗星三見夜常星不見夜中星隕如雨者各一

當是時禍亂輒應周室微弱上下交怨殺君三十六亡

國五十二諸侯奔走不得保其社稷者不可勝數自是

之後眾暴寡大并小秦楚吳粵夷狄也為彊伯田氏篡

齊三家分晉並為戰國爭於攻取兵革遞起城邑數屠

因以饑饉疾疫愁苦臣主共憂患其察讖祥候星氣尤


急如淳曰呂氏春秋荆人鬼越人近世十二諸侯七國

相王言從橫者繼踵而占天文者因時務論書傳故其

占驗鱗雜米鹽亡可錄者周卒為秦所滅始皇之時十

五年間彗星四見久者八十日長或竟天後秦遂以兵

內兼六國外攘四夷死人如亂麻又熒惑守心及天市



芒角色赤如雞血始皇既死適庶相殺二世即位殘骨

肉戮將相太白再經天因以張楚並興兵相踰籍蘇林曰踰

音秦遂以亡項羽救鉅鹿枉矢西流枉矢所觸天下之

所伐射滅亡象也物莫直於矢今蛇行不能直而枉者

執矢者亦不正以象項羽執政亂也羽遂合從阬秦人

屠咸陽凡枉矢之流以亂伐亂也

漢元年十月五星聚于東井以歷推之從歲星也李奇曰歲

星得其正度其四星隨比常正行故曰從也孟康曰歲

星先至先至為主也。劉歆曰按歷太白辰星去日率

不能一兩次耳今十月而從歲星於東井非也然則五

星以秦之十月聚東井耳秦之十月今七月日當在鶻

尾故太白辰星此高皇帝受命之符也故客謂張耳曰

東井秦地漢王入秦五星從歲星聚當以義取天下秦

王子嬰降於枳道漢王以屬吏寶器婦女亡所取閉宮

封門還軍次於霸上以候諸侯與秦民約法三章民亡

不歸心者可謂能行義矣天之所予也五年遂定天下

即帝位此明歲星之崇義東井為秦之地明效也

三年秋太白出西方有光幾中音灼曰幾中乍北乍南

過期迺入辰星出四孟是時項羽為楚王而漢已定三

秦與相距滎陽太白出西方有光幾中是秦地戰將勝

而漢國將興也辰星出四孟易王之表也後二年漢滅

楚

七年月暈圍參畢七重占曰畢昴間天街也街北胡也
街南中國也昴爲匈奴參爲趙畢爲邊兵是歲高皇帝
自將兵擊匈奴至平城爲冒頓單于所圍七日迺解
十二年春熒惑守心李奇曰心爲天王也四月宮車晏駕應劭曰天子當晨起早作而方崩殞故稱晏駕云韋昭曰凡初崩爲晏駕者臣子之心猶謂宮車當駕而出耳
孝惠二年天開東北廣十餘丈長二十餘丈地動陰有
餘天裂陽不足皆下盛彊將害上之變也其後有呂氏
之亂

孝文後二年正月壬寅天欖夕出西南孟康曰歲星之精占曰
爲兵喪亂其六年十一月匈奴入上郡雲中漢起三軍

以衛京師其四月乙巳水木火三合於東井占曰外內
有兵與喪改立王公東井秦也八月天狗下梁坐是歲
誅反者周殷長安市其七年六月文帝崩其十一月戊
戌土水合於危占曰爲雍沮所當之國不可舉事用兵
必受其殃一曰將覆軍危齊也其七月火東行行畢陽
環畢東北出而西逾行至昴卽南迺東行占曰爲喪死
寇亂畢昴趙也

孝景元年正月癸酉金水合於婺女占曰爲變謀爲兵
憂婺女粵也又爲齊其七月乙丑金木水三合於張占
曰外內有兵與喪改立王公張周地今之河南也又爲

楚其二年七月丙子火與水晨出東方因守斗占曰其國絕祀至其十二月水火合於斗占曰為淬不可舉事用兵必受其殃一曰為北軍用兵舉事大敗斗吳也又為粵是歲彗星出西南其三乃立六皇子為王王淮陽汝南河間臨江長沙廣川其三年吳楚膠西膠東淄川濟南趙七國反吳楚兵先至攻梁膠西膠東淄川三國攻圍齊漢遣大將軍周亞夫等戍止河南以候吳楚之敵遂敗之吳王亡走粵粵攻而殺之平陽侯敗三國之師于齊咸伏其辜齊王自殺漢兵以水攻趙城城壞王自殺六月立皇子二人楚元王子一人為王王膠西中山楚徙濟北為淄川王淮陽為魯王汝南為江都王七月兵罷天狗下占為破軍殺將狗又守禦類也天狗所降以戒守禦吳楚攻梁梁堅城守遂伏尸流血其下三年填星在婁幾入還居奎奎魯也占曰其國得地為得填是歲魯為國

四年七月癸未火入東井行陰又以九月己未入輿鬼戊寅出占曰為誅罰又為火災後二年有粟氏事其後未央東闕災

中元年填星當在觜觶參去居東井占曰亡地不迺有女憂其三年正月丁亥金木合於觜觶為白衣之會三

月丁酉彗星夜見西北色白長丈在觜觿旦去益小于
五日不見占曰必有破國亂君伏死其辜觜觿梁也其
五月甲午金木俱在東井戊戌金去木留守之二十日
占曰傷成於戊木爲諸侯誅將行於諸侯也其六月壬
戌蓬星見西南在房南去房可二丈大如二斗器色白
癸亥在心東北可長丈所甲子在尾北可六丈丁卯在
箕北近漢稍小且去時大如桃壬申去凡十日占曰蓬
星出必有亂臣房心間天子宫也是時梁王欲爲漢嗣
使人殺漢爭臣袁盎漢按誅梁大臣斧戌用梁王恐懼
布車入關伏斧戌謝罪然後得免

中三年十一月庚午夕金火合於虛相去一寸占曰爲
鑠爲喪虛齊也

四年四月丙申金木合於東井占曰爲白衣之會并秦
也其五年四月乙巳水火合於參占曰國不吉參梁也
其六年四月梁孝王死五月城陽王濟陰王死六月成
陽公主死出入三月天子四衣白臨邸第

後元年五月壬午火金合於輿鬼之東北不至柳出輿
鬼北可五寸占曰爲鑠有喪輿鬼秦也丙戌地大動鈴
鈴然民大疫死棺貴至秋止

孝武建元三年三月有星孛于注張歷太微于紫宮至

于天漢春秋星孛于北斗齊魯晉之君皆將死亂今星孛歷五宿其後濟東膠西江都王皆坐法削黜自殺淮陽衡山謀反而誅

三年四月有星孛于天紀至織女占曰織女有女變天紀爲地震至四年十月而地動其後陳皇后廢

六年熒惑守輿鬼占曰爲火變有喪是歲高園有火災竇太后崩

元光元年六月客星見于房占曰爲兵起其二年十一月單于將十萬騎入武州漢遣兵三十餘萬以待之元光中天星盡捨上以問候星者對曰星捨者民勞也

後伐四夷百姓勞于兵革

元鼎五年太白入于天苑占曰將以馬起兵也一日馬將以軍而死耗其後以天馬故誅大宛馬大死於軍

元鼎中熒惑守南斗占曰熒惑所守爲亂賊喪兵守之又其國絕祀南斗越分也其後越相呂嘉殺其王及大后漢兵誅之滅其國

元封中星孛于河戍占曰南戍爲越門北戍爲胡門其後漢兵擊拔朝鮮以爲樂浪玄菟郡朝鮮在海中越之象也居北方胡之域也

太初中星孛于招搖星傳曰客星守招搖蠻夷有亂民

死君其後漢兵擊大宛斬其王招搖遠夷之分也

孝昭始元中漢宦者梁成恢及燕王候星者吳莫如見

蓬星出西方天市東門行過河鼓入營室中恢曰蓬星

出六十日不出三年下有亂臣戮死於市後太白出西

方下行一舍復上行二舍而下去太白血兵上復下將

有戮死者後太白出東方入咸池東下入東井人臣不

忠有謀上者後太白入太微西藩第一星北出東藩第

一星北東下去太微者天庭也太白行其中宮門當閉

大將被甲兵邪臣伏誅熒惑在婁逆行至奎法曰當有

兵後太白入昴莫如曰蓬星出西方當有大臣戮死者

太白星入東井太微廷出東門漢有死將後熒惑出東

方守太白兵當起主人不勝後流星下燕萬載宮極東

去李奇曰極星梁也三輔間名為極或曰極棟也三輔間名棟為極尋極東去也延篤謂之堂前闌楯也

法曰國恐有誅其後左將軍桀驃騎將軍安與長公主

燕刺王謀作亂咸伏其辜兵誅烏桓

元鳳四年九月客星在紫宮中斗樞極間占曰為兵其

五年六月發三輔郡國少年詣北軍五年四月燭星見

奎婁間占曰有土功胡人死邊城和其六年正月築遼

東玄菟城二月度遼將軍范明友擊烏桓還

元平元年正月庚子日出時有黑雲狀如炎風亂暮音

轉出西北東南行轉而西有頃亡占曰有雲如衆風是謂風師法有大兵其後兵起烏孫五將征匈奴

二月甲申晨有大星如月有衆星隨而西行乙酉祥雲如狗赤色長尾三枚夾漢西行大星如月大臣之象衆

星隨之衆皆隨從也天文以東行為順西行為逆此大臣欲行權以安社稷占曰太白散為天狗為卒起卒起

見禍無時臣運柄祥雲為亂君到其四月昌邑王賀行淫辟立二十七日大將軍霍光白皇太后廢賀

三月丙戌流星出翼軫東北干太微入紫宮始出小旦入大有光入有頃聲如雷三鳴止占曰流星入紫宮天

下大凶其四月癸未宮車晏駕

孝宣本始元年四月壬戌甲夜辰星與參出西方其二

年七月辛亥夕辰星與翼出皆為蚤占曰大臣誅其後

熒惑守房之鉤鈐鈐天子之御也晉灼曰上言房為天駟其陰右驂旁

有二星曰鈐故曰天子御也占曰不太僕則奉車不黜即死也房心

天子宮也房為將相心為子屬也其地宋今楚彭城也四年七月甲辰辰星在翼月犯之宋祁曰翼下當添軫字占曰兵起上卿死將相也是日熒惑入輿鬼天質占曰大臣有誅者名曰天賊在大人之側

地節元年正月戊午乙夜月食熒惑孟康曰凡星入月見月中為星食月

月奄星星滅
為月食星

熒惑在角亢占曰憂在宮中非賊而盜也

有內亂讒臣在旁其辛酉熒惑入氐中氐天子之宮熒惑入之有賊臣其六月戊戌甲夜客星又居左右角間東南指長可二尺色白占曰有姦人在宮廷間其丙寅又有客星見貫索東北南行至七月癸酉夜入天市芒炎東南指其色白占曰有戮卿一曰有戮王期皆一年遠二年是時楚王延壽謀逆自殺四年故大將軍霍光夫人顯將軍霍禹范明友奉車霍山及諸昆弟賓婚為侍中諸曹九卿郡守皆謀反咸伏其辜

黃龍元年三月客星居王梁東北可九尺長丈餘西指

出閣道間至紫宮其十二月宮車且駕

元帝初元元年四月客星大如瓜色青白在南斗第二星東可四尺占曰為水饑其五月勃海水大溢六月關東大饑民多餓死琅邪郡人相食

二年五月客星見昴分居卷舌東可五尺青白色炎長三寸占曰天下有妄言者其十二月鉅鹿都尉謝君男詐為神人論死父免官

孟康曰姓謝名君男者兒也不記其名直言男耳

五年四月彗星出西北赤黃色長八尺所後數日長丈餘東北指在參分後二歲餘西羌反

孝成建始元年九月戊子有流星出文昌色白光燭地

長可四丈大一圍動搖如龍虵形有頃長可五六丈大
四圍所詘折委曲貫紫宮西在斗西北子亥間後詘如
環北方不合留一刻所占曰文昌為上將貴相是時帝
舅王鳳為大將軍其後宣帝舅子王商為丞相皆貴重
任政鳳妬商譖而罷之商自殺親屬皆廢黜

四年七月熒惑除歲星居其東北半寸所如連李時歲
星在關星西四尺所熒惑初從畢口大星東東北往數
日至往疾去遲占曰熒惑與歲星鬪有病君饑歲至河
平元年三月旱傷麥民食榆皮二年十二月壬申太皇
太后避時昆明東觀如淳曰食貨志武帝修昆明池列
觀環之或曰即病淵君勇故避其

時○劉歆曰謝君勇死在初元二年太后
避時乃河平二年云病何也或說未曉

四年十一月乙卯月食填星星不見時在輿鬼西北八
九尺所占曰月食填星流民千里河平元年三月流民
入函谷關

河平二年十月下旬填星在東井軒轅南端大星尺餘
歲星在其西北尺所熒惑在其西北二尺所皆從西方
來填星貫輿鬼先到歲星次熒惑亦貫輿鬼十一月上
旬歲星熒惑西去填星皆西北逾行占曰三星若合是
謂驚位是謂絕行外內有兵與喪改立王公其十一月
丁巳夜郎王歆大逆不道牂柯太守立捕殺歆三年九

月甲戌東郡莊平男子侯母辟兄弟五人羣黨爲盜劉
放曰莊攻燔官寺縛縣長吏盜取印綬自稱將軍三月
乃莊辛卯左將軍千秋卒右將軍史丹爲左將軍四年四月
戊申梁王賀薨

陽朔元年七月壬子月犯心星占曰其國有憂若有大
喪房心爲宋今楚地十一月辛未楚王友薨

四年閏月庚午飛星大如缶出西南入斗下占曰漢使
匈奴明年鴻嘉元年正月匈奴單于雕陶莫臯死五月
甲午遣中郎將楊興使弔

永始二年二月癸未夜東方有赤色犬三四圍長二三

丈索索如樹南方有大四五圍下行十餘丈皆不至地
滅占曰東方客之變氣狀如樹木以此知四方欲動者
明年十二月己卯尉氏男子樊並等謀反賊殺陳留太
守嚴普及吏民出囚徒取庫兵劫略令丞自稱將軍皆
誅死庚子山陽鐵官亡徒蘇令等殺傷吏民篡出囚徒
取庫兵聚黨數百人爲大賊踰年經歷郡國四十餘一
日有兩氣同時起並見而並令等同月俱發也

元延元年四月丁酉日舖時大暉晏殷殷如雷聲有流
星頭大如缶長十餘丈皎然亦白色從日下東南去四
面或大如盂或如雞子燿燿如雨下至昏止郡國皆言

星隕春秋星隕如雨爲王者大執諸侯起伯之異也其
後王莽遂顯國柄王氏之興萌於成帝時是以有星隕
之變後莽遂篡國

綏和元年正月辛未有流星從東南入北斗長數十丈
一刻所息占曰大臣有繫者其年十一月庚子定陵侯
淳于長坐執左道下獄死

二年春熒惑守心二月乙丑丞相翟方進欲塞災異自
殺三月丙戌宮車晏駕

哀帝建平元年正月丁未日出時有著天白氣廣如一
匹布長十餘丈西南行謹如雷西南行一刻而止名曰
天狗傳曰言之不從則有大禍詩妖到其四年正月二
月三月民相驚動謹譁奔走傳行詔籌祠西王母又曰
從目人當來

建平元年十二月白氣出西南從地上至天出參下貫
天廁廣如一匹布長十餘丈十餘日去占曰天子有陰
病其三年十一月壬子太皇太后詔曰皇帝寬仁孝順
奉承聖緒靡有解怠而又病未瘳夙夜惟思殆繼體之
君不宜改作春秋大復古其復甘泉泰畤汾陰后土如
故

二年二月彗星出牽牛七十餘日傳曰彗所以除舊布

新也牽牛日月五星所從起歷數之元三正之始等而出之改更之象也其出父者為其事大也其六月甲子夏賀良等建言當改元易號增漏刻詔書改建平二年為太初元年號曰陳聖劉太元皇帝刻漏以百二十為度八月丁巳悉復蠲除之賀言以及黨與皆伏誅流放其後卒有王莽篡國之禍
元壽元年十一月歲星入太微以逾行干右執法占曰大臣有憂執法者誅若有罪二年十月戊寅高安侯董賢免大司馬位歸第自殺
前漢書二十六終

前漢書卷二十七上

五行志第七上

漢

蘭

臺

令

史

班

固撰

唐

正議大夫

行祕書少監

張

邪

縣開國子

顏師古注

皇明朝列大夫國子監祭酒臣劉應秋

承

直

郎司業臣方從哲等奉

勅重較刊

皇明朝列大夫國子監祭酒臣吳士元

承

德郎司業仍加俸一級臣黃

錦等奉

旨重修

易曰天垂象見吉凶聖人象之河出圖雒出書聖人則

之劉歆以為處義氏繼天而王

師古曰處讀與伏同

受河圖則而

畫之八卦是也

師古曰放效河圖而畫八卦也

禹治洪水賜雒書法而

陳之洪範是也

師古曰取法雒書而陳洪範也

聖人行其道而寶其真

降及于殷箕子在父師位而典之

師古曰父師即太師殷之三公也箕子紂

之諸父而為太師故曰父師周既克殷以箕子歸武王親虛已而問

焉故經曰惟十有三祀王訪于箕子師古曰祀年也商曰祀王廼

言曰烏疇箕子惟天陰騭下民相協厥居我不知其彝

倫道敘服虔曰騭音陟應劭曰陰覆也騭升也相助也

天居我不知居天常理所次序也師古曰騭音質箕子

廼言曰我聞在昔鯀陞洪水汨陳其五行應劭曰陞塞也汨亂也水

性流行而鯀障塞之失其本性其餘所陳帝乃震怒弗

畀洪範九疇彝倫道敘師古曰帝謂上帝即天也震動也畀與也疇類也九類即九章

九疇彝倫道敘此武王問雜書於箕子箕子對禹得雜

書之意也初一日五行師古曰謂之行次二曰羞用五

事師古曰次三曰農用八政張晏曰農食之本食為八政首故以農為名也師古

曰此說非也農厚也羞用次四曰時用五紀應劭曰時

五行謂之條紀也師次五曰建用皇極應劭曰皇次六

曰艾用三德應劭曰艾治也治大中之道次七曰明用

稽疑應劭曰疑事明次八曰念用庶徵師古曰念思也庶眾也徵應也

次九曰嚮用五福畏用六極應劭曰天所以嚮樂人用

凡此六十五字皆雜書本文所謂天廼錫禹大法九章

常事所次者也以爲河圖雜書相爲經緯八卦九章相

爲表裏昔殷道弛文王演周易周道敝孔子述春秋則

爲表裏昔殷道弛文王演周易周道敝孔子述春秋則

乾坤之陰陽效洪範之咎徵天人之道祭然著矣漢興

承秦滅學之後景武之世董仲舒治公羊春秋始推陰

陽為儒者宗宣元之後劉向治穀梁春秋數其既福傳

以洪範師古曰既古文禍字以洪範義傳而說之傳字或作傳讀曰附謂附著與仲舒錯

互不同也師古曰錯至向子歆治左氏傳其春秋意亦已乖矣言

五行傳又頗不同是以摯仲舒別向歆師古曰摯字與擊同謂引取之

傳載睦孟夏侯勝京房谷永李尋之徒所陳行

事訖于王莽舉十二世以傳春秋著于篇師古曰傳讀

經曰初一曰五行五行一曰水二曰火三曰木四曰金

五曰土水曰潤下火曰炎上師古曰皆水火自然之性也木曰曲直

師古曰言可操而曲可矯而直金曰從革張晏曰革更也土爰稼穡師古曰稼

曰爰亦曰也一說爰於也可於其傳曰田獵不宿服虔曰不

上稼穡也種之曰稼收聚曰穡得其時也或曰不豫戒師古曰不行出入不

節奪民農時及有姦謀則木不曲直李奇曰姦謀增賦履畝之事也臣贊

曰姦謂邪謀也師古曰即下說曰木東方也於易地上

之木為觀師古曰坤下巽上觀巽其於王事威儀容貌

亦可觀者也故行步有佩玉之度師古曰玉佩上有雙

雜之衝牙玼珠以納其間右徵角而左宮羽進則掩之退則揚之然後王鏘鳴焉是為行步節度也璜音黃璫

音居璫音禹登車有和鸞之節師古曰和鈴也以金為

玼音步千反之節師古曰和鈴也以金為

萬曆二十五年刊

為鸞鳥而銜鈴焉施於鑣上師古曰田狩有三驅之制謂田獵

動皆有聲以為舒疾之節也三驅也三驅之禮一為乾豆飲食有享獻之禮師古曰

二為賓客三為充君之庖也出入有名使民以時務在勸農桑謀在

安百姓如此則木得其性矣若廼田獵馳騁不反宮室

飲食沈湎不顧法度師古曰沈湎謂溺於酒食湎音彌善反妄興繇役以

奪民時作為姦詐以傷民財則木失其性矣蓋工匠之

為輪矢者多傷敗如淳曰揉輪不曲矯矢不直也及木為變怪臣瓚曰梓柱更

冰剗歆以為上陽施不下通下陰施不上達故雨而木

為之冰霧氣寒木不曲直也劉向以為冰者陰之盛而

水滯者也木者少陽貴臣卿大夫之象也此人將有害

則陰氣脅木木先寒故得雨而冰也是時叔孫喬如出

奔公子偃誅死師古曰叔孫喬如叔孫宣伯也通於宣公夫人穆姜謀欲作亂不克而出奔齊

公此執辱之異師古曰行父季文子也十六年秋公會晉侯于沙隨晉受喬如之譖而止公是

年九月又信喬如之譖而執行父也或曰今之長老名木冰為木介介者

甲甲兵象也是歲晉有陽陵之戰楚王傷目而敗師古曰

楚戰于陽陵呂錡射恭王中目陽陵鄭地屬常雨也

傳曰棄法律逐功臣殺太子以妾為妻則火不炎上說

曰火南方揚光輝為明者也其於王者南面鄉明而治

師古曰鄉書云知人則愆能官人之辭愆智也能知其

材則能官之故堯舜舉羣賢而命之朝師古曰謂遠四

佞而放諸壑師古曰四佞即四凶孔子曰浸潤之譖膚

受之訴不行焉可謂明矣師古曰浸潤言積漸也膚受

賢佞分別官人有序帥由舊章師古曰敬重功勳殊別

適庶如此則火得其性矣若迺信道不篤或耀虛偽讒

夫昌邪勝正則火失其性矣自上而降及濫炎妄起師

曰炎讀曰談災宗廟燒宮館雖與師衆弗能救也是為火不

炎上春秋桓公十四年八月壬申御廩災董仲舒以為

先是四國共伐魯大破之於龍門韋昭曰魯郭門百姓傷者未

瘳怨咎未復而君臣俱憤內急政事外侮四鄰非能保

守宗廟終其天年者也故天災御廩以戒之劉向以為

御廩夫人八妾所舂米之臧以奉宗廟者也師古曰一

婦一人餘者妾也故云八妾時夫人有淫行師古曰謂挾逆心日謂

桓公天戒若曰夫人不可以奉宗廟桓不寤與夫人俱

會齊師古曰十八年春公會齊侯于夫人譖桓公於齊

侯師古曰言世子同齊侯殺桓公師古曰齊侯享公公

拉其幹而殺之公薨于車劉歆以為御廩公所親耕籍田以奉粢盛

者也師古曰黍稷也棄法度亡禮之應也嚴公二十年

夏齊大災師古曰嚴公謂莊公也避明帝諱故改劉向

萬曆二十五年刊

漢書載諡姓為嚴者皆類此

五

以為齊桓好色聽女口以妾為妻適庶數更師古曰更

之夫人三王姬徐贏蔡姬皆無子而桓公好內多寵內

嬖如夫人者六人長衛姬生公子無虧即武孟也少衛

姬生惠公鄭姬生孝公葛贏生昭公密姬生懿公宋華

子生公子雍公與管仲屬孝公於宋襄公以為太子易

牙有寵於衛恭姬因侍人貂以薦羞於公請立武孟公

許之管仲卒五公子皆求立適讀曰嬖下亦同數音所

反故致大災桓公不寤及死適庶分爭九月不得葬師

曰魯僖十七年齊桓公卒易牙入因多寵以殺羣吏立

無虧孝公奔宋十八年齊立孝公不勝四公子之徒遂

與宋人戰敗齊師于贏立孝公而還入公羊傳曰大災

月葬桓公是為過於九月乃得葬也

瘦也董仲舒以為魯夫人淫於齊齊桓姊妹不嫁者七

人國君民之父母夫婦生化之本本傷則末夭故天災

所予也李奇曰以為釐公二十年五月乙巳西宮災師

曰釐讀曰僖

後皆類此

謂之西宮劉向以為釐立妾母為夫人以入宗廟師古

公之母謂成風也本非正嫡僖既為君而母遂同夫人

禮文四年經書夫人風氏薨五年王使榮叔歸舍且贈

是故天災愍宮若曰去其卑而親者將害宗廟之正禮

前漢書卷三十一 五行志 五

萬曆二十五年刊

前漢書卷三十一

五行志

五

所以滅樂器宣其名也董仲舒劉向以為十五年王札

子殺召伯毛伯師古曰王札子捷也召伯毛伯周二大夫也召讀曰邵後皆類此天

子不能誅天戒若曰不能行政令何以禮樂為而滅之

左氏經曰成周宣榭火人火也人火曰天火天火曰災榭

者講武之坐屋成公三年二月甲子新宮災穀梁以為

宣宮不言諡恭也劉向以為時魯三桓子孫始執國政

宣公欲誅之恐不能使大夫公孫歸父如晉謀未反宣

公死三家譖歸父於成公成公父喪未葬聽讒而逐其

父之臣使奔齊師古曰三桓謂孟孫叔孫季孫三家俱出桓公之子也公孫歸父東門襄仲之子也歸父欲去三桓以張公室與宣公謀而聘于晉欲以晉人去之而宣公薨成公即位季文子及臧宣叔

逐東門氏歸父還復命於介遂出奔齊故天災宣宮明不用父命之象也

一曰三家親而亡禮猶宣公殺子赤而立師古曰赤文公太子即子

惡也宣公文公之庶子襄仲殺赤而立宣公亡禮而親天災宣廟欲示去三

家也董仲舒以為成居喪亡哀戚心數興兵戰伐師古曰謂

元年作丘甲二年季孫行父帥師會晉郤克及齊侯戰于鞍三年叔孫僑如帥師圍棘故天災其

父廟示失子道不能奉宗廟也一曰宣殺君而立不當

列於羣祖也襄公九年春宋災劉向以為先是宋公聽

讒逐其大夫華弱出奔魯師古曰華弱華耦之孫也與樂轡少相狎長相優又相謗

轡以弓楛弱于朝宋平公怒逐之遂來奔事在襄六年左氏傳曰宋災樂喜為司

城師古曰司城本司空避武公之諱故改其官為司城先使火所未至徹小屋師古

萬曆二十五年刊

新漢書卷三十一

五十五

七

曰恐火及塗大屋師古曰大屋難徹故以陳畚鍤

之故敬去草籠也讀與本同葦所以具綆缶師古曰綆汲索備水

器師古曰器甕之屬也許氏說文畜水潦積土塗師古曰潦

行潦也畜讀曰蓄蓄謂繕守備師古曰繕謂補脩之也

也師古曰火之所起儲正徒師古曰儲待也

也音美郊保之民使奔火所師古曰郊保之人謂郊野之

也災又飭衆官各慎其職師古曰飭晉侯聞之問士弱曰

火正或食於心或食於味以出入火師古曰味是故味

為鶉火心為大火陶唐氏之火正闕伯居商丘祀大火

而火紀時焉相土因之故商主大火商人閱其既敗之

釁必始於火是以知有天道公曰可必乎對曰在道國

亂亡象不可知也韋昭曰大亂之君說曰古之火正謂

火官也掌祭火星行火政季春昏心星出東方而味七

星心朱祁曰味鳥首正在南方則用火季秋星入則止

火以順天時救民疾帝嚳則有祝融堯時有闕伯民賴

其德死則以為火祖配祭火星故曰或食於心或食於

味也相土商祖契之曾孫師古曰契讀曰使音先列反

籍相土即高之孫今代闕伯後主火星宋其後也世司

其占故先知火災賢君見變能脩道以除凶亂君亡象

天不譴告故不可必也三十年五月甲午宋災董仲舒

以為伯姬如宋五年宋恭公卒師古曰伯姬魯宣公女恭姬也成九年歸于宋

十五年而宋公卒今云如宋五年則是傳寫誤伯姬幽居守節三十餘年又憂

傷國家之患禍積陰生陽故火生災也劉向以為先是

宋公聽讒而殺太子痤師古曰痤宋平公太子也寺人惠牆伊戾譖太子云與楚客盟

平公殺之專在襄二十六年座音在戈反應火不炎上之罰也左氏傳昭公

六年六月丙戌鄭災是春三月鄭人鑄刑書士文伯曰

火見鄭其火乎師古曰士文伯晉大夫伯瑕也火未出而作火以鑄刑

器臧爭辟焉師古曰鑄刑於鼎故稱刑器法設下爭故云爭辟火而象之不火

何為說曰火星出於周五月而鄭以三月作火鑄鼎刻

刑辟書以為民約是為刑器爭辟故火星出與五行之

火爭明為災其象然也又棄法律之占也不書於經時

不告魯也九年夏四月陳火董仲舒以為陳夏徵舒殺

君楚嚴王託欲為陳討賊陳國關門而待之至因滅陳

師古曰夏徵舒陳卿夏南即少西氏也徵舒之母通於靈公靈公飲酒于夏氏徵舒射而殺之楚子為夏氏亂

故伐陳謂陳人無動將討於少西氏遂入陳殺夏徵舒

輟諸栗門因縣陳事在宣公十一年。劉攽曰予按昭

九年夏徵舒事且六十歲矣仲舒之言一何謬乎陳臣子尤毒恨甚極陰生陽

故致火災劉向以為先是陳侯弟招殺陳太子偃師師古

曰招謂陳哀公之弟偃師即哀公子也哀公有慶疾招殺太子而立公子留事在昭八年招音韶皆外

事不因其宮館者略之也八年十月壬午楚師滅陳師古

曰莊王初雖縣陳納申叔時之諫乃春秋不與蠻夷滅

中國故復書陳火也師古曰九年火時陳已為楚縣

中夏左氏經曰陳災傳曰鄭裨竈曰五年陳將復封

曰裨竈鄭大夫封五十二年而遂亡子產問其故對曰陳水屬

也火水妃也而楚所相也今火出而火陳逐楚而建陳

也妃以五成故曰五年歲五及鶉火而後陳卒亡楚克

有之天之道也說曰顓頊以水王陳其族也師古曰陳

本出今茲歲在星紀後五年在大梁大梁昴也金為水

宗得其宗而昌故曰五年陳將復封楚之先為火正故

曰楚所相也天以一生水地以二生火天以三生木地

以四生金天以五生土五位皆以五而合而陰陽易位

故曰妃以五成然則水之大數六火七木八金九土十

故水以天一為火二牡木以天三為土十牡土以天五

為水六牡火以天七為金四牡金以天九為木八牡陽

奇為牡陰耦為妃故曰水火之牡也火水妃也於易坎

為水為中男離為火為中女蓋取諸此也自大梁四歲

而及鶉火四周四十八歲凡五及鶉火五十二年而陳

卒亡火盛水衰故曰天之道也哀公十七年七月己卯

楚滅陳昭十八年五月壬午宋衛陳鄭災董仲舒以為

象王室將亂天下莫救故災四國言亡四方也又宋衛

陳鄭之君皆荒淫於樂不恤國政與周室同行陽失節

則火災出是以同日災也劉向以為宋陳王者之後師古曰衛

曰朱微子啓本出股陳胡公衛鄭周同姓也師古曰衛

滿有虞苗裔皆王者之後時周景王老劉子單子事王子猛師古曰

之子鄭桓公宣王之弟獻公摯也單子穆公旗也皆周尹氏召伯毛伯事王子

大夫也猛景王太子單音善鼂師古曰尹氏文公圍也召伯莊公奭也毛伯毛

鼂得也皆周太夫也子鼂景王庶子也鼂古朝字鼂

楚之出也師古曰姊妹及宋衛陳鄭亦皆外附於楚亡

尊周室之心後三年景王崩王室亂故天災四國天戒

若曰不救周反從楚廢世子立不正以害王室明同臯

也定公二年五月雉門及兩觀災師古曰雉門公宮董

仲舒劉向以為此皆奢僭過度者也先是季氏逐昭公

昭公死于外師古曰謂定公即位既不能誅季氏又用

其邪說淫於女樂而退孔子天戒若曰去高顯而奢僭

者一曰門闕號令所由出也今舍大聖而縱有臯亡以

出號令矣京房易傳曰君不思道厥妖火燒宮哀公三

年五月辛卯桓釐宮災董仲舒劉向以為此二宮不當

立違禮者也哀公又以季氏之故不用孔子孔子在陳

聞魯災曰其桓釐之宮乎以為桓季氏之所出釐使季

氏世卿者也四年六月辛丑亳社災師古曰亳董仲舒

劉向以為亡國之社所以為戒也師古曰存其社者欲

使君常思敬慎懼危

也亡天戒若曰國將危亡不用戒矣春秋火災屢於哀定之間不用聖人而縱驕臣將以亡國不明甚也一曰天生孔子非為哀定也蓋失禮不明火災應之自然象也高后元年五月丙申趙叢臺災劉向以為是時呂氏女為趙王后嫉妒將為讒口以害趙王王不寤焉卒見幽殺惠帝四年十月乙亥未央宮凌室災師古曰臧冰之室也丙子織室災師古曰織作之室劉向以為元年呂太后殺趙王如意殘戮其母戚夫人是歲十月壬寅太后立帝姊魯元公主女為皇后其乙亥凌室災明日織室災凌室所以供養飲食織室所以奉宗廟衣服與春秋御廩同義天戒

若曰皇后亡奉宗廟之德將絕祭祀其後皇后亡子後宮美人有男太后使皇后名之而殺其母惠帝崩嗣子立有怨言太后廢之更立呂氏子弘為少帝賴大臣共誅諸呂而立文帝惠后幽廢文帝七年六月癸酉未央宮東闕罌恩災師古曰罌恩闕之罌也劉向以為東闕所以朝諸侯之門也罌恩在其外諸侯之象也漢興大封諸侯王連城數十文帝即位賈誼等以為違古制度必將叛逆先是濟北淮南王皆謀反其後吳楚七國舉兵而誅景帝中五年八月己酉未央宮東闕災先是栗太子廢為臨江王師古曰景帝太子栗姬所生謂之栗太子以罪徵詣中尉自殺丞相

萬曆二十五年刊
史記卷一百一十五
卷一百一十五
史記卷一百一十五

條侯周亞夫以不合旨稱疾免後二年下獄死武帝建
元六年六月丁酉遼東高廟災四月壬子高園便殿火
董仲舒對曰春秋之道舉往以明來是故天下有物視
春秋所舉與同比者師古曰比類也音必寐反精微眇以存其意通
倫類以貫其理天地之變國家之事粲然皆見亡所疑
矣按春秋魯定公哀公時季氏之惡已孰師古曰孰成也而孔
子之聖方盛夫以盛聖而易孰惡季孫雖重魯君雖輕
其孰可成也故定公二年五月兩觀災兩觀僭禮之物
師古曰兩觀天子之制也天災之者若曰僭禮之臣可以去已見臯
徵而後告可去此天意也定公不知省至哀公三年五

月桓宮釐宮災二者同事所爲一也若曰燔貴而去不
義云爾哀公未能見故四年六月亳社災兩觀桓釐廟
亳社四者皆不當立天皆燔其不當立者以示魯欲其
去亂臣而用聖人也季氏亡道久矣前是天不見災者
魯未有賢聖臣雖欲去季孫其力不能昭公是也師古曰前是謂此時之前也見顯示也音胡電反以下並同至定哀迺見之其時可也不
時不見天之道也今高廟不當居遼東高園殿不當居
陵旁於禮亦不當立與魯所災同其不當立久矣至於
陛下時天迺災之者殆亦其時可也昔秦受亡周之敝
而亡以化之漢受亡秦之敝又亡以化之夫繼二敝之

後承其下流兼受其猥難治甚矣師古曰猥積也謂積敝也又多兄

弟親戚骨肉之連驕揚奢侈師古曰揚謂張揚張大也恣睢者衆服

曰自恣意怒貌也師古曰睢音呼季反所謂重難之時者也陛下正當大

敝之後又遭重難之時甚可憂也故天災若語陛下當

今之世雖敝而重難非以太平至公不能治也視親戚

貴屬在諸侯遠正最甚者忍而誅之師古曰遠離也謂離正道者也如

吾燔遼東高廟迺可視近臣在國中處旁仄及貴而不

正者忍而誅之如吾燔高園殿迺可云爾在外而不正

者雖貴如高廟猶災燔之況諸侯乎在內不正者雖貴

如高園殿猶燔災之況大臣乎此天意也臯在外者天

災外臯在內者天災內燔其臯當重燔簡臯當輕承天

意之道也先是淮南王安入朝始與帝舅太尉武安侯

田蚡有逆言其後膠西王王趙敬肅王常山憲王皆數

犯法或至夷滅人家藥殺二千石而淮南衡山王遂謀

反膠東江都王皆知其謀陰治兵弩欲以應之至元朔

六年迺發覺而伏辜時田蚡已死不及誅上思仲舒前

言使仲舒弟子呂步舒持斧鉞治淮南獄以春秋誼顯

斷於外不請師古曰顯與專同不請者不待奏報既還奏事上皆是之太

初元年十一月乙酉未央宮柏梁臺災先是大風發其

屋夏侯始昌先言其災日後有江充巫蠱衛太子事征

高曆一十五年刊

和二年春涿郡鐵官鑄鐵銷皆飛上去宋祁曰鐵

此火為變使之然也其三月涿郡太守劉屈釐為丞相

後月巫蠱事與帝女諸邑公主陽石公主師古曰諸環

主所食曰邑故謂之諸邑丞相公孫賀子太僕敬聲平

陽侯曹宗等皆下獄死七月使者江充掘蠱太子宮太

子與母皇后議恐不能自明乃殺充舉兵與丞相劉屈

釐戰死者數萬人太子敗走至湖自殺師古曰湖縣名

城二明年屈釐復坐祝禮要斬師古曰禮妻梟首也成

帝河平二年正月沛郡鐵官鑄鐵不下宋祁曰作

隆隆如雷聲又如鼓音工十三人驚走音止還視地

陷數尺鑪分為十一鑪中銷鐵散如流星皆上去與征

和二年同象其夏帝舅五人封列侯號五侯師古曰譚

時凡元舅王鳳為大司馬大將軍秉政後二年丞相王

商與鳳有隙鳳譖之免官自殺明年京兆尹王章訟商

忠直言鳳顯權鳳誣章以大逾罪下獄死妻子徙合浦

後許皇后坐巫蠱廢而趙飛燕為皇后妹為昭儀賊害

皇子成帝遂亡嗣皇后昭儀皆伏辜一日鐵飛屬金不

從革昭帝元鳳元年燕城南門災劉向以為時燕王使

邪臣通於漢為讒賊謀逆亂南門者通漢道也天戒若

曰邪臣往來為姦讒於漢絕亡之道也燕王不寤卒伏

其辜元鳳四年五月丁丑孝文廟正殿災劉向以爲孝
文太宗之君與成周宣榭火同義先是皇后父車騎將
軍上官安安父左將軍桀謀爲逆大將軍霍光誅之皇
后以光外孫年少不知居位如故光欲后有子因上侍
疾醫言禁內後宮皆不得進唯皇后顓寢皇后年六歲
而立十三年而昭帝崩遂絕繼嗣光執朝政猶周公之
攝也是歲正月上加元服師古曰謂冠也通詩尚書有明愆之
性光亡周公之德秉政九年久於周公上旣已冠而不
歸政將爲國害故正月加元服五月而災見古之廟皆
在城中孝文廟始出居外天戒若曰去貴而不正者宜

帝旣立光猶攝政驕溢過制至妻顓殺許皇后光聞而
不討後遂誅滅宣帝甘露元年四月丙申中山太上皇
廟災甲辰孝文廟災元帝初元三年四月乙未孝武園
白鶴館災劉向以爲先是前將軍蕭望之光祿大夫周
堪輔政爲佞臣石顯許章等所譖望之自殺堪廢黜明
年白鶴館災園中五里馳逐走馬之館師古曰五里者言其周迴五里
不當在山陵昭穆之地天戒若曰去貴近逸遊不正之
臣將害忠良後章坐走馬上林下烽馳逐免官孟康曰夜於上
林苑下舉火馳射也烽或作燧晉灼曰冠首曰烽競走曰逐師古曰孟說是永光四年六月
甲戌孝宣杜陵園東闕南方災劉向以爲先是上復徵

用周堪爲光祿勳及堪弟子張猛爲太中大夫石顯等復譖毀之皆出外遷是歲上復徵堪領尚書猛給事中石顯等終欲害之園陵小於朝廷闕在司馬門中內臣曰去法令內臣親而貴者必爲國害後堪希得進見因顯言事事決顯口堪病不能言顯誣告張猛自殺於公車成帝卽位顯卒伏辜成帝建始元年正月乙丑皇考廟災初宣帝爲昭帝後而立父廟於禮不正是時大將軍王鳳顯權擅朝甚於田蚡將害國家故天於元年正月而見象也其後寤盛五將世權遂以亡道

孟康曰謂王五大司

馬也師古曰謂鳳音商根莽也

鴻嘉三年八月乙卯孝景廟北闕災十

一月甲寅許皇后廢永始元年正月癸丑大官凌室災戊午戾后園南闕災是時趙飛燕大幸許后旣廢上將立之故天見象於凌室與惠帝四年同應戾后衛太子妾遭巫蠱之旣宣帝旣立追加尊號於禮不正又戾后起於微賤與趙氏同應天戒若曰微賤亡德之人不可以奉宗廟將絕祭祀有凶惡之旣至其六月丙寅趙皇后遂立姊妹驕妒賊害皇子卒皆受誅永始四年四月癸未長樂宮臨華殿及未央宮東司馬門災六月甲午孝文霸陵園東闕南方災長樂宮成帝母王太后之所

居也未央宮帝所居也霸陵太宗盛德園也是時太后

三弟相續秉政師古曰謂陽平侯鳳安陽侯舉宗居位

充塞朝廷兩宮親屬將害國家師古曰謂太后家王氏

親屬故天象仍見明年成都侯商薨弟曲陽侯根代為大

司馬秉政後四年根乞骸骨薦兄子新都侯莽自代遂

覆國焉哀帝建平三年正月癸卯桂宮鴻寧殿災帝祖

母傅太后之所居也時傅太后欲與成帝母等號齊尊

大臣孔光師丹等執政以為不可太后皆免官爵遂稱

尊號後三年帝崩傅氏誅滅平帝元始五年七月己亥

高皇帝原廟殿門災盡師古曰原廟重廟也高皇帝廟在長安城

中後以叔孫通譏復道故復起原廟於渭北非正也是

時平帝幼成帝母王太后臨朝委任王莽將篡絕漢墮

高祖宗廟師古曰墮毀也音火規反故天象見也其冬平帝崩明年

莽居攝因以篡國後卒夷滅

傳曰治宮室飾臺榭師古曰臺榭有室曰榭內淫亂犯親戚侮父兄

則稼穡不成說曰土中央生萬物者也其於王者為內

事宮室夫婦親屬亦相生者也古者天子諸侯宮廟大

小高卑有制后夫人媵妾多少進退有度九族親疏長

幼有序孔子曰禮與其奢也寧儉故禹卑室宮文王刑

于寡妻此聖人之所以昭教化也如此則土得其性矣

若迺奢淫驕慢則土失其性有水旱之災而草木百穀

不孰是為稼穡不成嚴公二十八年冬大水亡麥禾董

仲舒以為夫人哀姜淫亂師古曰哀姜莊公夫人齊女也逆陰氣故大

水也劉向以為水旱當書不書水旱而曰大亡麥禾者

土氣不養稼穡不成者也是時夫人淫於二叔內外亡

別師古曰二叔謂莊公二弟仲慶父及叔牙又因凶饑一年而三築臺師古曰謂

三十一年春築臺于郎夏築臺于薛秋築臺于秦也郎薛秦皆魯地也故應是而稼穡不

成飾臺榭內淫亂之罰云遂不改寤四年而死師古曰莊公三

十二年薨距大水無麥禾凡四歲也既流二世師古曰謂子般及閔公皆殺死奢淫之患

也

傳曰好戰攻輕百姓飾城郭侵邊境則金不從革說曰

金西方萬物既成殺氣之始也故立秋而鷹隼擊秋分

而微霜降其於王事出軍行師把旄杖鉞誓士眾抗威

武所以征畔逆止暴亂也詩云有虔秉鉞如火烈烈師古

曰商頌長發之詩也虔固也此美殷湯與師出征固持其鉞以誅有罪威力猛盛如火熾烈又曰載

戢于戈載橐弓矢師古曰周頌時邁之詩也戰聚也橐

而韜也動靜應誼說以犯難民忘其死師古曰言以和悅使人雖犯危難不

顧其生也易兌卦象曰說以犯難人忘其死故引之也說讀曰悅如此則金得其性矣

若迺貪欲恣睢務立威勝不重民命則金失其性蓋工

冶鑄金鐵金鐵冰滯涸堅不成者眾師古曰涸讀與涸同疑也劉敞

萬曆二十五年刊

音水及為變怪是為金不從革左氏傳曰昭公八年春

石言於晉晉平公問於師曠師古曰晉對曰石不能言

神或馮焉作事不時怨讟動於民師古曰讟痛怨則有

非言之物而言今宮室崇侈民力彫盡怨讟並興莫信

其性師古曰信猶保也性命也石之言不亦宜乎

於是晉侯方築虎祁之宮師古曰虎祁地在絳叔向曰

君子之言信而有徵師古曰叔向晉大夫羊舌肸也劉歆以為金石同

類是為金不從革失其性也劉向以為石白色為主屬

白祥成帝鴻嘉三年五月乙亥天水冀南山大石鳴師古曰

曰天水之冀聲隆隆如雷有頃止聞平襄二百四十里

縣南山也韋昭曰天水縣壘雞皆鳴師古曰石長丈三尺廣厚略等師古曰

及厚皆如其長旁著岸脅去地二百餘丈民俗名曰石鼓石鼓

鳴有兵是歲廣漢鉗子謀攻牢師古曰鉗子謂鉗徒也牢繫重囚之處篡

死臯囚鄭躬等盜庫兵劫略吏民衣繡衣自號曰山君

黨與寢廣明年冬廼伏誅自歸者三千餘人後四年尉

氏樊並等謀反殺陳留太守嚴普自稱將軍山陽亡徒

蘇令等黨與數百人盜取庫兵經歷郡國四十餘皆踰

年廼伏誅是時起昌陵作者數萬人徙郡國吏民五千

餘戶以奉陵邑作治五年不成乃罷昌陵還徙家師古曰

徙人陪昌陵者

石鳴與晉石言同應師曠所謂民力彫

令皆還其本居

前漢書卷三十一

五行志

十一

盡傳云輕百姓者也虎祁離宮去絳都四十里昌陵亦在郊塋皆與城郭同占城郭屬金宮室屬土外內之別云

傳曰簡宗廟不禱祠廢祭祀逆天時則水不潤下說曰水北方終藏萬物者也其於人道命終而形滅精神放越聖人爲之宗廟以收魂氣春秋祭祀以終孝道王者卽位必郊祀天地禱祈神祇望秩山川懷柔百神亡不

宗事

師古曰懷來也柔安也謂招來而祭祀之使其安也宗尊也

慎其齊戒致其嚴

敬鬼神歆饗多獲福助此聖王所以順事陰氣和神人也至發號施令亦奉天時十二月咸得其氣則陰陽調

而終始成如此則水得其性矣若迺不敬鬼神政令逆

時則水失其性霧水暴出百川逆溢壞鄉邑溺人民及

淫雨傷稼穡是爲水不潤下京房易傳曰顛事有知誅

罰絕理厥災水其水也雨殺人以隕霜大風天黃饑而

不損茲謂泰厥災水水殺人辟遏有德茲謂狂

應劭曰辟天子

也有德者雍

遇不見用也 厥災水水流殺人已水則地生蟲歸獄不

解茲謂追非

李奇曰歸罪過於民不罪已也張晏曰謂釋有罪之人而歸無辜者也解止也追非

也 遂非 厥水寒殺人追誅不解茲謂不理厥水五穀不收

大敗不解茲謂皆陰解舍也王者於大敗誅首惡赦其

衆不則皆函陰氣

師古曰函讀與合同

厥水流入國邑隕霜殺穀

○朱祁曰桓公元年秋大水董仲舒劉向以為桓弒兄

隱公民臣痛隱而賤桓後宋督弒其君師古曰宋華父督為太宰弒殤

公事在桓諸侯會將討之師古曰謂齊陳鄭也桓受宋賂而歸師古曰

曰謂郟又背宋諸侯由是伐魯仍交兵結讎伏尸流血

百姓愈怨師古曰桓會宋公者五與宋公燕人盟已而背盟伐宋公燕人怨而求助齊衛助之桓

及曰國之師大戰故十三年夏復大水一日夫人驕

淫將弒君陰氣盛桓不寤卒弒死劉歆以為桓易許田

不祀周公師古曰許田魯朝宿之邑而有周公別廟桓既篡位遂以許田與鄭而取鄭之祔田故云

不祀廢祭祀之罰也嚴公七年秋大水亡麥田董仲舒

劉向以為嚴母文姜與兄齊襄公淫共殺桓公嚴釋父

讎復取齊女未入先與之淫一年再出會於道逆亂臣

下賤之之應也十一年秋宋大水董仲舒以為時魯宋

比年為乘丘郟之戰師古曰比年頻年也莊十年公敗宋師于乘丘十一年公敗宋師于

郟乘丘郟魯地郟音子移反百姓愁怨陰氣盛故二國俱水劉向以

為時宋愍公驕慢睹災不改明年與其臣宋萬博戲婦

人在側衿而罵萬萬殺公之應師古曰萬宋大夫也戰敗獲于魯復歸宋又為

大夫與愍公博婦人在側萬曰甚矣魯侯之淑魯侯之

美天下諸侯宜為君者唯魯侯耳愍公矜此婦人妒其

言願曰此虜也爾虜焉知魯侯之美惡乎至二十四年

大水董仲舒以為夫人哀姜淫亂不婦陰氣盛也劉向

以為哀姜初入公使大夫宗婦見用幣師古曰宗婦同姓之婦也大夫

妻及宗婦見夫人者又淫於二叔公弗能禁臣下賤之皆令執幣是踰禮也

故是歲明年仍大水劉歆以為先是嚴飾宗廟刻桷丹

楹以夸夫人臣瓚曰桷椽也韋昭曰楹柱也師古曰莊公二十三年丹桓宮楹二十四年刻桓宮

桷將迎夫人故為盛飾簡宗廟之罰也宣公十年秋大水饑董仲

舒以為時比伐邾取邑師古曰比類也九年秋取根牟公羊傳曰根牟者何邾婁之邑

也十年公孫歸父帥師亦見報復兵讎連結百姓怨

劉向以為宣公殺子赤而立子赤齊出也師古曰赤母姜氏赤死姜

氏大歸齊市人皆故懼以濟西田賂齊師古曰宣既即位與齊侯會于

平州以定其位元年六月齊人邾子獲且亦齊出也師古曰獲且邾文公之子邾定公也亦齊女

日獲且邾文公之子邾定公也亦齊女而宣比與邾交

兵師古曰比類也臣下懼齊之威創邾之甌師古曰甌創皆賤公

行而非其正也成公五年秋大水董仲舒劉向以為時

成幼弱政在大夫前此一年再用師師古曰成三年春公會晉侯宋公衛

侯曹伯伐鄭秋叔孫明年復城鄆以疆私家師古曰四年城鄆鄆

季氏邑仲孫蔑叔孫僑如顓會宋晉陰勝陽師古曰仲孫蔑孟獻

子也成五年春仲孫蔑如宋夏叔孫僑如會襄公二十

四年秋大水董仲舒以為先是一齊伐晉襄使大夫

帥師救晉師古曰襄二十三年秋齊伐衛遂伐晉八月叔孫豹帥師救晉次于雍榆後又侵

齊師古曰二十四年仲孫獨帥師侵齊國小兵弱數敵疆大百姓愁怨陰

氣盛劉向以為先是襄慢鄰國是以邾伐其南師古曰十五年

萬曆二十五年刊 前漢書卷三十三 五帝志 三

齊伐其北師古曰十六年齊人伐我北鄰是也莒伐其東師古曰十

二年莒人伐我東鄰是也師古曰十八年公會晉侯百姓騷動後又仍犯疆齊也師古曰十八年公會晉侯

甚也高后三年夏漢中南郡大水水出流四千餘家四

年秋河南大水伊維流千六百餘家汝水流入百餘家

八年夏漢中南郡水復出流六千餘家南陽沔水流萬

餘家師古曰沔漢水之上也音彌善反是時女主獨治諸呂相王文帝

後三年秋大雨晝夜不絕三十五日藍田山水出流九

百餘家燕壤民室八千餘所殺三百餘人先是趙人新

垣平以望氣得幸為上立渭陽五帝廟欲出周鼎以夏

四月郊見上帝歲餘懼誅謀為逆發覺要斬夷三族是

時比再遣公主配單于賂遺甚厚師古曰高祖使劉敬

頓單于闕氏言頓死其子老上單于初立文帝復遣宗人女為單于闕氏匈奴愈驕侵犯北

邊殺略多至萬餘人漢連發軍征討戍邊元帝永光五

年夏及秋大水潁川汝南淮陽廬江雨壞鄉聚民舍及

水流殺人先是一年有司奏罷郡國廟是歲又定迭毀師古曰親盡則毀故云迭毀事在韋玄成傳罷太上皇孝惠帝寢廟皆無復

脩通儒以為違古制刑臣石顯用事師古曰石顯宦者故曰刑臣成

帝建始三年夏大水三輔霖雨三十餘日郡國十九雨

山谷水出凡殺四千餘人壞官寺民舍八萬三千餘所

前漢書卷二十七上
五帝本紀
元年有司奏徙甘泉泰畤河東后土于長安南北郊二
年又罷雍五畤郡國諸舊祀凡六所

前漢書卷二十七上終

